



Национална библиотека
Универзитета у Загребу
Савски београд

kat.komo

266

I

Mag. Sl. Dr.

P

POËTAE POLON.

Poetya ^{N.} 434.



266

XI VII 54.

CHARMINA


1850

NEW YORK

W. H. BROWN

100 N. 3rd St.

PHILADELPHIA



1 9 N A T 1 9
W I L C Z E K
C A R M I N A

De DEO UNO.

De PROVIDENTIA DIVINA.

De SCIENTIA & GRATIA.

De VIRTUTE.

Ab Authore locupletata, & recognita in hac
postrema editione.



CRACOVIAE A. D. 1788.

Typis Scholæ Principis Regni Universitatis Cracoviensis.

AD LECTOREM.

Quisque suos Author naevos habet: usque repertus,
Vix est tam felix: omni qui labe careret.
Non is, qui nullis: qui paucis, atque minutis
Asperfus mendis: liber est bonus, atque probatus.
In libri errores, mentem si fixeris unos:
Hos, usque Authori pergas opponere, & usque:
Invidiam scriptor non evitaverit ullus.

JUDICIUM CENSORIS.

Opuscula aliquot Poetica, quibus, materias Theologicas ad firmandam religionem, & vitam ex regulis Ethicae Christianae informandam, praepremis accomodatas, carmine hexametro complexus est Vir illustris A. R. D. Ignatius Wilczek olim in Societate Jesu Philosophiae & sacrae Theologiae Professor, legi diligenter, & in iis, soliditatem argumentorum cum summæ claritate, in eorundem expositione conjunctam, praeterea, stylum ligatum, instar soluti ubique fluentem, demirari satis non potui. Digna proinde censeo, quae typis excudantur, ut pote tum religioni, adversus hostes quoscunque praesidio, tum probitati morum amplificandae, subsidio futura.

Adalbertus Domaszewski. S. T. D.
Conc: Cathedr: Crac:
Librorum Censor.

mp.

IMPRIMATUR.

Datt: Cracoviae die 20. 7bris 1787.

JOSEPHUS OLECHOWSKI. Suffraganeus, Archidiaconus
Cathedralis, Curiae Episcopalis Auditor, & Judex
Generalis Dioecesis Cracoviensis.

mp.

PERILLUSTRI REVERENDISSIMO DOMINO

IGNATIO SKARBK
WOYCZYŃSKI

CANONICO CATHEDRALI CRACOVIENSI.

*Non est mihi consilium eximia decora,
& ornamenta tua: quae Tibi generis
nobilitas: ingenii, virtutis, & do-
ctrinae praestantia: suavitas humanitatis,
amplitudo honoris, meritorum multitudo,
caeteraeque animi dotes pepererunt, laudi-
bus celebrare. Latius haec se fundunt, quam
ut unius, alteriusve pagellae angustius com-
prehendi valeant. Illustrius fulgore suo col-
lucent; quam ut ipsis vel aliquid lucis ab
ingenio meo afferri: vel commendationis quid-
piam ab eloquio meo adjici possit: & con-
sultius venerabundo silentio ista praeterie-
rim; quam aut jejune, aut non satis pro
dignitate, & merito celebraverim. Proposi-
tum est: gratissimum animum, quem erga
te praemesero, luce & palam profiteri,
contestarique. Me jam olim in Societate JE-
SU*

SU, singulari benevolentia complexus es: hominem nullo, praeterquam communi ejusdem Societatis nomine, tibi devinctum. Soluta Societate, ad constantem benevolentiam; beneficentiam adjunxisti: Cumque Te virtus, & merita tua ad eum, quo fulges, honoris gradum evexissent, geminasti beneficia, ac porro cumulare non desistis. Huic tuae tam prolixae erga me voluntati, agnosco equidem, me ex aequo respondere non posse: tamen ut quo licet modo, studium & officium in te meum testificer, opellam hanc meam tibi dicare, & offerre induxi in animum: ut exstet, & tuae singularis in me benevolentiae, beneficentiaeque perenne documentum; & meae erga te observantiae, gratissimique animi non intermoriturum monumentum. Officium, spero, non aspernaberis ejus, a quo non expectas beneficium: Et est magnorum, quos aemularis, virorum ea humanitas; ut debita quoque sibi officia, in loco beneficii accipiant.

Tibi deditissimus I. W.



DEUS UNUS.



CAELORUM terraeque Sator, Rex Maxime regum,
Principium, Fons, Summa, Caput genus omne bonorum
Cujus ad arbitrium caeco demersus inani,
Exstitit e nihilo mundus, stat firmus in annos;
Et quoad usque voles, stabit: ruiturus eodem;
Unde potente tuo nutu, fuit erutus olim,
Absque mora minima puncto, quo iusseris; omni!
Te mare, Te tellus, Te lucida sidera caeli,
Te stirpes, volucres, pisces, animantia bruta
Concelebrant, dextraeque tuae praeconia promunt.
Artificem te cuncta suum venerantur, & ore
Uno testantur, manuum se opus esse tuarum.
Qua croceos Sol torquet equos, qua fiderá cursant;
Qua mundanarum rerum patet aureus ordo:
Ambitus immensi, qua sese porrigit orbis:
Nota tua est Virtus, Bonitas, Sapientia summa:
Omibus hisce plagis, monumenta perennia celsi
Consilii, Mentisque tuae decora inlyta fulgent.
Omnibus hisce tuum magnum & venerabile Nomen
Visitur inscriptum spatiis, & gloria claret;
Magnaque ubique Tui nobis occursat imago!

Non equidem licet exactam depingere cuiquam
Magne tuam DEUS! effigiem; sed imaginis umbram
Pingere nil prohibet. Non est fas disserere apte:
Balbutire tamen de Te non prorsus inepte
Fas est, o Nomen! cuius, decet imo iuvatque.
Grande argumentum; DEUS! & sublimius omni

Ingenio nostro, nedum enarrabile verbis;
 Si spectes ejus naturam: sed DEUS extans,
 Clarum argumentum nimis, & proclive probatu:
 Unum argumentum; quod oportet noscere cunctos,
 Et poterunt omnes; sed multi nosse recusant:
 Cum nil scire magis deberent velle, priusve.
 Spissae namque, DEI sine cognitione, tenebrae
 Sunt artes omnes: caligo, scientia quaevis;
 Deteriorque hominis fors, conditione ferarum est.
 Vilis, & abjecta est pecudum natura, statusque
 Absque DEI sensu; Verique Bonique supremi;
 Aequa tamen vita est; quoniam cognoscere Numen
 Non possunt. Homines, at enim, cum noscere possint;
 Id, si non norint; aut si cognoscere nolint:
 Quam bonus est DEUS: illorum tam perdita fors est.

Hos ego de tanti sceleris gravitate monebo,
 Et primum Veri fontem cognoscere cogam,
 Atque repugnantes non uno teste revincam.
 Ostendam siquidem multis rationibus; Unum
 Vi summa certo debere existere Numen:
 Si modo sedatis animis momenta revolvant
 Summi momenti, sibi demonstrantia Verum.

Tu! Sacrosancto cujus pro Numine, quondam
 Totus in excordes terrarum armabitur Orbis;
 Pro Te pugnans, validis rationibus arma!
 Est DEUS: existit Mens praestantissima: summus
 Arbitrator existit: Mundi Fabricator & Auctor
 Extat: Principium primum, Finisque supremus:
 Fons sine fonte scatens: Vita, & vitalis Origo:
 Omnia qui per se; sed & omnia continet in se.
 A nullo pendens, non indigus ullius; Ipse
 Omnia sufficiens cunctis; & semper abundans:
 Deficiens nullo; se felicissimus Uno:
 Per loca, perque plagas late, sic pertinet omnes:
 Totus ut in toto spatio sit, & integer omni
 Parte loci: Caelo, terra non clauditur usquam:
 Nullis naturae propriae, dotumque suarum
 Arcetatur metis, parte infinitus ab omni.

Qui

Qui pietate sua totum complectitur orbem,
 Et Bonitate sua servat, fovet, atque gubernat:
 Major eo; qualem depingere mente valemus,
 Omnibus ingenii collatis viribus una.

Impia colluvies! Epicuri foeda propago;
 Vecordes animae; servum pecus illecebrarum!
 Quid delere DEI necququam pergitis alte
 Mentibus impressam speciem, & vestigia sancta
 Numinis, in rebus casu contenditis ausu
 Obterere: haecque videre palam, vos posse negatis?
 Si quid adhuc rationis inest: scintilla refulget
 Si qua animis vestris etiamnum luminis ejus;
 Quod DEUS accendit vestris in mentibus, inde,
 Ex quo, intellectum rerum coepistis habere:
 Vel tenuis lux ista fat est, ad aperta legenda
 Infinita, quibus, circum sumus undique septi
 Numinis exstantis vestigia: mentibus ultro
 Illa vel invitis se obtrudunt, seque vel ipsis
 Sensibus externis ultro noscenda propinant.

Omnibus in rebus, fas est inquirere cuivis,
 Fas reperire DEUM. Nec enim sine teste reliquit
 Semet multiplici: quot res, monumenta tot exstant
 Artificis summi: totidem proin firma supersunt
 Argumenta, quibus certo DEUS esse probatur.
 Totum hoc quod sumus; hocque in quo sumus; esse supremum
 Numen demonstrant, unumque exstare necesse
 Evincunt; a quo valeant existere, & exstent
 Haec, quaecunque ita sunt, ut non existere possint.
 Scilicet est vastum quoddam Natura, volumen
 Quo mera signa DEI praesentis ubique notantur,
 Miraque consilii Divini fensa leguntur.
 Mundus hic immensus; liber est nitidissimus, inquam,
 Quem Divina manus nostros conscripsit in usus.
 Doctis & rudibus, liber iste perinde legendus.
 Quantumvis fit hebes; quantumvis tardus inersque:
 Si tantum est aliquo rationis praeditus usu:
 Tot, tantisque notis, poterit deprendere certo
 Auctorem mundi. Scelus est non quaerere pressis

Usque adeo, iudiciis illum: quem quaerere; nostra est
 Cura, laborque unus: quem nosse; scientia summa:
 Quem reperire; seopus: deamareque, vita beata,
 Summaque votorum est, animae ratione fruentis!
 Ad quem res ducunt omnes. Dubitare tot inter
 Argumenta: exstetne DEUS? capitale piaculum est;
 Non ulla dignum venia, nulloque colore!
 Ausum immane; DEUM tot contra signa negare;
 Non fatis aeternis poenis, & morte piandum.

Numen, nemo quidem poterit comprehendere mente,
 Nec tamen idcirco, quis, jure negaverit illud.
 Non fecus, ac mentis motus atque intima sensa,
 Quid sint; haud penitus pernoscere possumus: ista
 Attamen in nostris animis existere, nullus
 Inficiari ausit, nisi sit stultissimus idem:
 Haecque negans, malit sibi contrarius esse,
 Da siquidem, temere in dubium sua sensa vocantem:
 Iste, vel his dubiis, sibi sensa probabit inesse,
 Quin tamen illorum naturam noscat aperte.
 Siste virum, internos actus existare negantem:
 Faxo, quod ore negat; facto simul adstuat istud.
 Qua ratione etenim quisquam dubitabit, an infint
 Intima sensa suae menti: quin haereat ejus
 Tunc animo dubium? porro dubitatio nonne est
 Actus, & internis animi de sensibus unus?
 Scilicet interior mentem sic percutit actus:
 Sic animum nostrum sensus ferit intimus: ictus
 Ut, velit aut nolit; mens conscia debeat esse;
 Praesentemque sibi certo cognoscere debet:
 Ac prôin voce potest tantum, non mente negari.
 Hac ratione, licet natura sit abdita nobis
 Aeternæ Mentis; tamen hanc existere certo,
 Nostrum quisque, velit, nolit; cognoscat, oportet.

O DEUS! haud capio; quid sis; quantufve: sed esse
 Te scio, tam certo: quam sum certissimus ipse,
 Me constare mihi, meditari, vivere. Qui Te
 Inficiari audet: reliquum est; ut se neget amens!
 Ipse sibi locuples testis, quod vivat, agatque,

Quilibet

Quilibet est hominum; testisque gravissimus una,
 Quod DEUS existas! sine Te, nihilo magis esse;
 Quam sine se, quisquam poterit! Tu Fons sine fonte es!
 Principium sine principio! sine origine, Origo!
 Perspicio me principium non esse meimet:
 Hac de re, tacitus, quoties considero mecum;
 Protinus occurrit. Tibi me debere quod existem!
 Imo nec occurrit; quanam ratione valeret,
 E nihilo sine principio, mortalis oriri,
 Aut aliud quiddam, quod non fuit, esse repente
 Absque omni causa, velutique erumpere sponte!
 Non ego: non animo potis est effingere quisquam;
 Qua ratione, suo se res molimine, & actu;
 Quae nihil ante fuit, formare creareque posset:
 Sic etenim prius extaret, quam coeperit esse.
 Quandoquidem quod agit, patiturve; existat, oportet.

Conscius ipse mihi: quivis bene conscius alter
 Est nostrum, se non vixisse per omnia retro
 Saecla, datamque sibi novit pro tempore vitam:
 Hanc sibi nemo dedit. Nemo vi, namque suamet
 Exstitit e nihilo, potuitque existere nemo
 Absque sui causa; quisquis non exstitit unquam.
 Porro aliquo quivis nostrum non exstitit ante
 Tempore; nos citra causam haud existimus ergo.

Nunc quoque sic quivis: mortales sic fumus omnes;
 Deficere ut singillatim, pariterve queamus:
 Nam quod ego de me: de se, sentire necesse est,
 Quemlibet e cunctis: omnes, cum fumus ad unum
 Naturae plane similis; fluxae atque caducae,
 Innumeris vicibus subjectae, & mille ruinis;
 Semper ad interitum tendentis praepete cursu.
 Ergo age, nos una periisse putemus ad unum:
 Non erit, ut quisquam posthac existere possit:
 Reque ex possibili pugnancia scita sequentur.
 Namque repugnabit, quod mox fuit, amplius esse,
 Atqui possibilis, si res ponatur ad actum
 Deduci; fieri nequit, ut dein illa repugnet:
 Nec sanae mentis compos collegerat unquam

Ulla,

Ulla, ex possibili casu, pugnantia secum,
Extra nos igitur, sit oportet Fons & Origo:
Fons non deficiens: Fons non obnoxius ulli
Jacturae: interitus expers, expersque ruinae:
Vita sui sine principio, sine fine beata:
Per quam nunc vivant, & porro vivere possint,
Quotquot habere queunt, habitamque profundere vitam.
Namque vel innumeros homines, si finxeris, aevo
Retro omni vixisse; tamen non efficit inde,
Infinitam etiam potuisse existere turbam:
Quin sit in hac serie talis, tantusque vel unus
Ante, per aeternum tempus, qui vivat & ex se
Ipse suae vitae fons sit, nullique referre
Debeat acceptam causae: concedere vero
Hanc possit rel.quis. Atqui, DEUS iste, nec alter
Verus hic; hic DEUS est! nec enim sibi sufficit ulla
Res peritura, adeoque sibi non sufficit ullus
Interiturus homo; proin nec collectio quaeque
Hoc primo sine principio, sine principe causa,
Infinita licet, satis est; ut in ordine longo
Dent aliis alii vitam: sic quaestio quippe
De tota serie, nihil enodata recurrit;
Quinam sit nihilo, sine causa & viribus, orta.
Copia si major sit egentum; crescit egestas.
Quantum etenim numerus; tantum penuria crescit.
Hinc si ne minima vi pollet quisque seorsum
Sese condendi: nec eam collectio, quanta est,
Continet. Unde etenim virtus simul omnibus insit,
Quae vel parte sui minima non infuit ulli?
Hoc ita, si fieri poterit; nihil amplius obstat:
Quominus, ex miseris, quos omnis, quemque viritim
Deficiat nummus; surgat ditissima turba:
Aut ex militibus, quorum sit cunctus inermis;
Armatus possit conflare exercitus ingens.
Possit & ex stultis Academia surgere docta:
Surgat & ex vitiis virtutum summa, chorusve:
Atque ex mancipiis Respublica libera surgat:
Relique suis quaevis sine partibus integra surgat,

Deni-

Denique si nihilo, sine causa possit oriri
 Interdum quiddam: non est, spectacula centum
 Cur nova non dentur, momenta in singula: non est,
 Cur nova monstra, novae species, portentaque mille,
 Mille novi mundi non enascantur in horas.

Ex infinitis atomis volitantibus, ajunt,
 Atque per aeternum tempus caeco impete raptis,
 Prima cohaeserunt cunctarum femina rerum:
 Foemina, masque omnis, totus conflatus & orbis.
 Scilicet innumeris postquam versata fuissent
 Motibus huc illuc, variisque incurfibus acta
 In se, materiae corpuscula plurima, tandem
 Offendere situm, temereque coacta fuerunt
 Hoc genus in textum; referunt quod corpora nostra:
 Corpora quod referunt animantium & caetera: paucis;
 Hanc totam in speciem, quam mundi fabrica praefert.
 Sic homines, pecudes, sic rerum schemata prima;
 Nullo consilio, mentis moderamine nullo:
 Forte cohaeserunt; nulla sunt arte coacta:
 Quare atomorum aeternarum concursio caeca,
 Numine secluso, concludunt nempe scelesti,
 Conspicui mundi fons & caput esse putanda est,
 En mundi artifices causas; corpuscula, & horum
 Amplexus caecos! seu malis dicere, Casum!

Sed quaenam ista, malum! vesania: Numen, ut unum
 Inficiere, DEOS tot, & entia, ut inquam, a se
 Ponere; quot sunt materiae corpuscula bruta?

Aeternas etenim debent assumere quasvis,
 Ingenitasque atomos; proin ex se existere cunctas;
 Qui nolunt unum praefracti agnoscere Numen.
 Ergo quot in sese numerat corpuscula mundus,
 Si qua fides Atheis, totidem entia continet a se.

Sic nullus superest non re tantummodo; sed ne
 Cognitione modus, causarum ex ordine, causam
 Tollendi, quae vi naturae poscat; ut existet;
 Ut quibus, hanc contra pugnes; sit tutior armis.
 Nam qui insectantur, renuuntque agnoscere Numen;
 Quod sine fonte sui, sine origine, tempus in omne
 Debeat

Debeat omnino vi naturae esse suamet :
 Tale vel inviti debere extare fatentur :
 Atque , quod eversum stolidi furiosius ibant :
 Tot vicibus statuunt ; quot sunt corpuscula mundi
 Conspicui , quae contendunt expertia causae ,
 Tempore ab aeterno , natura extare suapte.
 Sed cum , quod proprium est tantummodo Numini, ut ex se
 Existat sine principio ; praepostere id ipsum
 Materiae tribuunt , hanc sic extare crepantes :
 In tam magna ruunt absurda , & in absona tanta ,
 Quis non ulla fides modo ; sed pugnantia plane :
 Non secum : non cum sana ratione cohaerent.

Certe materiam quamvis abiisse putaris
 In nihilum ; tamen est illius notio salva.
 Non secus ac species manet incorrupta trigoni ;
 Hoc , licet extra animum , sumas existere nusquam.
 Non proin materiae per se , est extare necesse.
 Nam quod ita existit ; si non existere ponas :
 Istius haud poteris speciem depingere mente :
 Sicut nempe nequis animo informare trigonum ;
 De tribus angululis si tollas mente vel unum.
 Quod tribus angululis constare necesse trigonum est.

Tum : sine principio si sunt corpuscula , & a se
 Existunt : dicant , cur perfectissima non sint ?
 Res etenim , quae naturae vi poscit , ut extet
 Aeternum , sine principio , sine fine : necesse est ,
 Partibus , & numeris expleta sit omnibus : atque
 Infinitarum plane complexio dotum.
 Quod si enim in extando , non circumscribitur ullo
 Principio : quaeso , quid circumscribere possit
 Limitibus , bona , virtutes , dotefque suamet
 Naturae ? Certe , qua vi sibi sufficit , ut sit :
 Hac ipsa , dotum rationes continet omnes ,
 Quae se perficiunt , complentque : proinde necessum est ;
 Omnibus ut numeris sit perfectissima. Quare
 Principium extrandi & fontem , si respuit omnem :
 Non exercitio , causae non viribus orta
 Materies ; metis dotum non stringitur ullis :

Ergo

Ergo infinitas in se comprehendat, oportet.
Nullam etenim causam agnoscit, quae limitet istas.
Quippe rei limes positus cognoscitur inde :
Quod causa efficiens plures concedere dotes
Noluit effectis; aut impertire nequivit.

Atqui materiae natura est undique septa.
Limitibus: nequit ergo existere semet ab ipsa.
Multis illa scatet defectibus, orbaque multis
Dotibus est: quas in nobis agnoscimus ipsis.
Vitae expers, rationis inops, imposque ciendi
Motus, vi propria: nec praedita viribus ullis.
Non agit, aſt agitur, tantumque extrinsecus acta :
Effectus, quos suspicimus, non libera praestat
Ullos: serva omnes, aliiquē obnoxia causae.
Ac proin absque sua domina, sine principe causa :
Non se; non ulla poterit ratione movere
Quidquam aliud. Sane, si motum ex semet haberet,
Atquae suae vi naturae caput illius esset
Materia: haud posset motus variare tenorem.
Ocyus inde rapi, mox tardius illa nequiret:
Nunc hanc, nunc partem ferri non posset in istam.
Materies siquidem res non est libera: quare
Si sine principio, semet moveatur ab ipsa,
Motus ad illius naturam pertinet. Atqui
Ut natura nequit variari; sic quoque, quidquid
Spectat ad hanc; non est ullo mutabile pacto,
Non proin augetur; sed nec decreſcit id unquam.
At vero languet motus, creſcitque vicissim:
Atque tenere queunt quemvis corpuscula cursum :
Innumerisque modis partes agitantur in omnes :
Quin etiam poterunt penitus deperdere motum.
Hinc ad materiae naturam motio nulla
Pertinet: haud innata est, est adventitia omnis.

Tum: si principium motus ex semet haberet
Materia, & caeco fluerent corpuscula curſu :
Serius aut citius dissolvi machina mundi
Deberet: nec adhuc posset consistere salva.
Fortuito natam concursu quippe figuram,

Fortuito

Fortuito motu pessum foret ire necesse.
 Namque ubi materies in eam conflata fuisset,
 Quam praefert mundus, speciem: tamen usque moveri
 Pergeret ingenita sibi vi: nec sistere cursum;
 Scilicet ingenitum, corpuscula bruta valerent:
 Nec retinere situm: mundus retinere nequiret
 Ergo diu speciem: sed quam fors caeca dedisset;
 Impetus abriperet caecus speciemque decusque:
 Inque chaos tetrum pulcherrimus ordo migraret;
 Qui factus tectusque tamen tot mille stat annis.
 Non ergo ingenito: caeco non impete fertur
 Materia: hac mundus non est ratione coactus.
 Consilio summo; summa est opus arte politum.

Non minus ad motum res apta est, atque quietem
 Materies equidem; neutrum tamen illa requirit.
 Sed nec inesse potest atomis vis libera motus:
 Arbitrio, qua nempe suo, discurrere possint;
 Quo, queis collibitum sit: inertia singula namque,
 Et libertatis vitaeque expertia, certo
 Omnia materiae corpuscula novimus esse.
 Consimili siquidem sunt indole praedita cuncta:
 Non poterunt igitur motu interiore ciei.
 Interior motus; vel sensus, vel rationis
 Est argumentum: vitam deducimus ex hoc.
 Sane cum dubii sumus; an substantia vivat?
 Vivere continuo toties concludimus istam;
 Haec motu quoties, sic interiore cietur,
 Illum, ut in externam non possis reicere causam.
 Motus ab interna rerum virtute profectus.
 Unicus est index occultae in corpore vitae.
 Porro omnes atomos quis vivere somniet unquam?
 Istis, quis sensus ullos, aut denique mentem,
 Attribuat temere; nisi dementissimus ipse?
 Quod si, non vitam, non sensum, non rationem
 Per naturam habeant corpuscula, pigra suapte
 Indole: nata pati; sed non agitare suomet
 Ingenio quidquam; quamvis per saecula prorsus
 Infinita retro, dentur sine fonte fuisse:

Aeterno

Aeterno fuerint somno sopita necesse est.
 Quisnam igitur pigrum cumulum torpentis arenae:
 Quisnam infinitum, & quo tempore, pulveris agmen
 Impulit ad motum? tuba quae? quae buccina longos
 Abrupit somnos atomis? quis spiritus ingens
 Exstitit impulsor massae? Tantummodo namque
 Spiritus esse potest motus primaria causa.

Ast Epicure tibi dederim, corpuscula, gratis
 Per se moliri, propriaque ex indole, motus
 Fortuitos; ut vis an se, sine mente, deinde
 Usque adeo miro poterant disponere sponte
 Ordine; & in scitas adeo coalescere formas?
 Formas! quae rapiant sensus, animosque stupore
 Defixos teneant? Sed enim mirabile textum
 In tot corporibus, quae nobis obvia sunt,
 Qua circumferimus sensus, mentesque sagaces:
 Organa, commensus, descriptio partium, & usus
 Mirandi, finesque statim, fabricatio tota;
 Massam indigestam monstrant non forte coactam
 In bellas adeo formas; sed acumine mentis
 Esse laboratam: labor hic, haec dextera, summi
 Hoc opus artificis, vestigia Numinis haec sunt.
 Non humana potest solertia tale vel unum
 Fingere opus; cujus generis spectantur in orbe
 Infinita fere. Quis enim e mortalibus unus,
 Post homines natos, minimum sine semine florem;
 Marte suo, ex atomis ipso formavit ab ovo?
 Nec formare valent, quamvis cogantur in unum;
 Arte quot excellunt; quot dexteritate Magistri.
 Et potuit temere mundus coalescere motu?
 Caecane plus poterit concursio pulveris? Anne
 Vitae, consilii, rationis, acuminis experts
 Plus possit casus, quam cuncta industria nostra?
 Adde, quod innumeras inter formasque modosque,
 Queis poterunt caeco necti corpuscula casu;
 Forma modosque hujus minime comprehenditur orbis;
 Cujus suspicimus seriem, fabricamque stupemus,
 Legibus addictam, devinctam nexibus aptis.

Nam

Nam fecus, effectus causa praestantior esset:
 Scilicet a caeco casu pulcherrimus ordo:
 Caeca daret decus & speciem, quibus ipsa careret
 Causa; vel effectus sine causa surgeret omni,
 At nihilum non posse rei caput esse vel ipsa
 Notio clara docet nihili; prout ante probatum est.
 Nulla est dos nihili: vis nulla est: actio nulla,
 Quot si fortuitis atomorum nexibus, orbis
 Exstitit, & rebus datus est pulcherrimus ordo:
 Cur nullas urbes; cur nulla palatia casu
 Usquam fortuito fabricata notavimus usque.
 Ac ne vile quidem sic surrexisse mapale;
 Non minimam casulam structam sic vidimus unquam?
 Sunt tamen haec operosa minus, quam fabrica mundi.
 Si tanti casus fuit, ac Epicure docebas;
 Ut sine consilio temere fabricaverit orbem:
 Quid fuit? ut jactis in chartas forte figuris:
 Quas scripturarum formas, elementaque dicunt:
 Concinnata itidem praeclara volumina non sint?
 Quid fuit? ut non sint, hodieque poemata docta;
 Consignata Suum rostris, rostrisque Volucrum?
 Dic Epicure: cui casus tam dextera causa est;
 Ut quid Odyseam, non hac ratione docebas
 Conscriptam? sic Illiadem, Commentaque docta,
 Sic scripta Aesopi? sic scripta volumina cuncta;
 Ante tuam vitam quotquot vulgata fuere?
 Cur miras uvas Zeuxis, Phidiaeque Minervam;
 Non itidem temere casu formata crepabas?
 Pulchrius artis opus nequeat sine acumine mentis;
 Absque manus doctae nequeat moderamine fingi;
 Fortuito casu, rerum admirabilis ordo:
 Motibus è caecis opera illustrissima mundi;
 Effingi sine consilio, sine numine possint?
 Atqui ars; naturae rudis est imitatio tantum.
 Haec sine consilio, sine numine condita credam;
 Quae ne percipiat sine mentis acumine quisquam?
 Editus in lucem doctus liber; ergone mentem,
 Arguat artificem; mundi autem fabrica casum?

Atqui,

Atqui, quod monui, mundus, liber atque volumen
 Tam bene dispositum est; ut non sapientius ullum.
 Ergo domus, pictura decens, vultusque metallo
 Incisus scite, statuæque externa figura;
 Ingenium artificis prodant; hodieque repertus
 Non est tam demens, hæc, qui sine mente putasset,
 Sponte sua, casuque mero, formata fuisse:
 At simul, ac bene dispositam suspexit opellam:
 Artificis stupet ingenium, mentemque manumque
 Noscere avet, deamat, veneratur, laudibus effert;
 Grandem autem fabricam mundi, quis spectet, opusque
 Omnibus expletum numeris: opus ordine miro,
 Quo nullum majus, quo non augustius ullum:
 Quo nil splendidius; quo nil formosius usquam;
 Attonitus stupeat, demirandique feracem,
 Atque novam segetem hinc, vita dependat in omni;
 Et tanti, talisque operis non colligat ultro
 Artificem, summam rationem? colligat imo
 Illius auctorem fortunam faex Epicuri?
 An magis esse potest conclusio dissona vero?
 Hac tamen abreptæ mentis vertigine, Sectæ
 Sic deliranti, ratio constare putetur
 Sana fatis? Quin ingenii tribuatur acumen?
 Quænam quaeso alia est; si non dementia summa hæc?
 Artis perpetuo spectamus opuscula, nostris
 Usibus, & certis accomoda finibus: atque
 Lege stata, serieque stata, contexta; manusque
 Continuo & mentes, nullo stimulante, notamus
 Ordinis artifices: auctores finis & usus.
 Hoc passim facimus; facimus doctique rudesque.
 Scilicet ex structo concludimus ordine mentem.
 Et bene colligimus; nec falli possumus unquam,
 Mentis egestatem semper confusio, prodit:
 At rationis opes rerum bonus arguit ordo.
 Mentis & ingenii partus certissimus, ordo est.
 Nemo namque potest, nisi Spiritus, ordinis esse
 Auctor: consilio fit, consilioque tenetur,
 Ordinis in clara mens cognitione relucet.

Quo

Quo magis exactus; quo quisque est aptior ordo
 Hoc magis illustris mens illius Auctor habetur.

Jam quis mundano perfectior ordine? quanam
 Mira magis rerum proportio, dicite, quisnam
 Aptior est nexus? quae machina pulchrior orbe?
 Pluribus equaenam; vel quae majoribus apta est
 Usibus? At quoniam, pariter perpendere cunctos
 Rerum cunctarum, vastus quas mundus hic ambit,
 Haud animi brevitatem licet nexumque, modumque,
 Atque scopos, ad quos collimant omnia mundi
 Corpora, constanti cursu, certoque tenore,
 Unius insignes expendere iuverint usus

In rem praesentem, bona, nexus, munera, fines;
 Solis nempe, suo totum qui lumine mundum
 Cullustrat; Solis! qui commoda mille quot annis,
 Annis vero? vehit secum lucra mille quot horis;
 Quin & momentis. Quot commoda principis astri?
 Quam multi fines? Sublatum pone repente
 De medio: sequitur chaos, & confusio grandis.
 Intereunt volucres, homines, pecudesque necantur,
 Nulla dies; ast incumbet nox horrida toti
 Terrae. Ver nullum: non laetior appetet aestas.
 Foetibus arboreis gravis haud autumnus inibit:
 Summus & affiduus sed corpora torpor habebit;
 Et frigus bruma, dominabitur acrius omni.

Jam retine, tam frugi astrum; sed pone remotum
 A tellure magis, quam sit modo; nonne rigebunt
 Corpora cuncta gelu? si porro propinquius aeque
 Adstituas terrae; nimio solventur ab aestu,
 In liquidi speciem solidissima corpora quaeque.
 Solem intervallo, quo nunc removetur, eodem
 Pone: ast quam praefert, plus justo mole minorem;
 Cuncta rigent iterum. Majorem fume: calore
 Omnia solvuntur rursus. Sit salva deinde
 Illius, a terra distantia, salvaque moles:
 Sed minime in gyrum moveatur terra; vel ille
 Orbe, obliquato magnum Aequatoris ad orbem
 Viginti atque trium graduum, mediique sub arcu:

Haud

Haud tempestates remeabunt quatuor anni,
 Fac aequatoris, solem terramve revolvit
 Jugiter in plano; mutatio nulla dierum:
 Nullum incrementum: contractio nulla sequetur.
 Quaeque sed aequalis fiet nox cuique diei:
 Praeterea ver perpetuum, aut autumnus agetur
 Jugis iis, quos zona poli moderatio ambit.

Non igitur casu; verum ratione suprema:
 Quae certos adeo longe praeviderit usus;
 Conciliata fuit Soli distantia tanta,
 Quantam habet: & massae concessa est copia tanta.
 Non temere motus; quo Sol, vel terra cietur,
 Inditus alterutri est stabilem torquendus in orbem.
 Axe inclinato proprio Aequatoris ad axem.
 Et vero, certosne potest praenoscere fines,
 Materies, rationis inops? aut Casus egenus
 Consilii? Sed enim certam praefigere rebus
 Metam, & ad hanc scito res ordine quasque referre;
 Est soli proprium rationi munus, opusque.

Ast male pro causa praetextum, quid premo Casum,
 Extorquere magis juvat hostibus irrita tela,
 Una opera e manibus, nudareque cortice verbum,
 Quo fucum faciunt, fallique & fallere pergunt;
 Quo se tutantur; Casum, Casumque crepantes
 Pro causa; mundi quoties inquiritur ortus.

Eja age quid tandem Casus? commune quid istis
 Cum causa? finitane; an infinita potestas?
 An nihilum? quaenam vocis mysteria quaeso?
 Scilicet effectus, quem non praefensimus ante.
 Nec causas prope nos positas, advertimus illum
 Moliri; nobis non expectantibus ortus:
 Qui rapit, aut recreat; vel nos percellit & angit,
 Fortuitus vulgo eventus, casusque vocatur.
 Ille tamen minime sine causa, legeque certus
 Accidit; esto dein sint haec incognita nobis.
 Quidquid enim confit certo pro tempore, praesto
 Istius in rebus sit, oportet, idonea causa.
 Sin secus, ergo rei processu temporis ortae

Ipsam.

Ipsummet purum nihilum fons & caput esset.
 At nequit e nihilo sine causa erumpere quidquam,
 Ut mens sana docet; liquidoque probavimus ante.
 Ac proin effectus si sit, causamque requirat
 Casus; ab hoc nequeunt rerum primordia duci,
 De quo nimirum redit integra quaestio semper:
 Cur sit; & acceptum cui fonti debeat ortum;
 Qui nihil ante fuit, causamque poposcit; ut esset.

Jam quis in effectis Casum non censeat? ille
 Quandoquidem solum quaedam mutatio rerum est,
 Quis sumus obsepti, nobis inopina; sed orta
 Tam certis causis, quam sunt certissima motus
 Principia & leges, quae corpora cuncta reguntur.
 Materiae siquidem quaevis mutatio motu
 Perficitur: motuque absolvitur actio quaevis;
 Aut nisu ad motum: veluti cum pondera bina
 E rigidae virgae extremis suspensa, tuentur
 A lapsu sese, pugnancia viribus aequis.
 Corporis hinc motus, quibus est obnoxius; illis
 Legibus est ejus mutatio subdita: cunctus
 Atque adeo casus normis subjectus eisdem est.

En pervulgatas, quas omnia corpora servant
 In motu leges; observaturaque porro
 Sunt in perpetuum: nec adhuc secus acta fuere.
 Quodlibet in motum simul ac est corpus adactum,
 Continuo ferri tam longum pergere debet:
 Dum perimat vis occurrens contraria motum.
 Quo semel extincto; spatio requiescet eodem:
 Vis externa recens iterum quoad concitet ipsum.
 Corpus adhaec pulsus, sibimetque subinde relictum;
 Prosequitur coeptum directo tramite cursum.
 Nec vero minimum partem deflectit in ullam:
 Vel citat, aut tardat cursum; quo pergere coepit;
 Donec ab exserta motus virtute recente
 Contendente alio, cogatur vertere callem,
 Et properare magis; tantisper tramite verso,
 Qua nova vis urget: qua fortior impetus instat.

His regitur corpus normis: dum simplice motu
 Latum,

— — — — —

Latam, dirigitur partem duntaxat in unam.
At fociis varias in partes, viribus actum;
Unicuique rata pro parte satisfacit: aequè
Scilicet obsequitur paribus: sed paret iniquis
Impariter: callemque attemperat omnibus unum;
Inter eos calles medium, quis quisque seorsum
Impetus impressus tendit deducere corpus.

Exprimit hancce viam diagonià linea belle
Quadrati, cujus gemino directio duplex
Exprimitur latere, in casu, quo concita moles,
In diversum urgetur iter; sed viribus aequis.
Quod si praevaleat fociis e viribus una;
Impulsam corpus procedet tramite curvo.
Adversis autem, sed adhaec aequalibus icta
Viribus; in medio moles immota quiescit,
Oppositis demum, sed iniquis concita; vires
Victrices sequitur; quantum victoria poscit.

Isti sunt calles: haec sunt praescripta viaeque:
Hae normae, legesque ratae, ad quas corporis omnis
Exigitur motus; seu magni, sive minuti.
Istis sensibiles docet experientia moles
Legibus adstringi: non caeca forte vagari,
Et velut effraenes nullo moderamine, nulla
Proposita meta, nullo discrimine raptas
Quo, quando, quantumque libet, per devia ferri.
Cuncta igitur stabili corpuscula lege moventur;
Ut majora statis agitari corpora normis
Spectamus. Quare merito concludimus inde;
Nullos fortuitos motus in rebus haberi:
At caecos dici, quos non speravimus unquam;
Vel quorum causas non vidimus ante viasque.
Quod si lege rata corpuscula cuncta cientur;
In caecos, temere motus effecta refundis,
Et Casum; mundi causam contendis inepte.

Nunc age pensemus, possitne accepta referri
Materiae brutae, pecudumque, humanaeque vita?
Haec etenim, quoniam non extitit ante per aevum
Omne retro, verum pro tempore coeperit esse;

Cumque sit insignis dos, & perfectio nostrae
 Naturae: causam summa vi postulat aptam:
 Ceu rivus fontem; proprium cui debeat ortum.
 Cum citra causam quidquam non possit oriri
 E nihilo: ut toties monui; rursusque juvabit
 Hic meminisse probe. Iam si corpuscula, vitae
 Ac sensus omnis, si sint expertia; certum est,
 Illis acceptam vitam non posse referri.
 In quavis etenim causa perfectio, oportet,
 Effectus insit: docet id vel notio causae.
 Quocirca, minimum perfectio tanta necesse est,
 Sit causae; quantam effectus reperitur habere.
 Sin secus, haud animo fas est comprehendere; quonam
 Effectus pacto tortiri possit, ut exstet
 Per causam; dotisque suas, huic debeat omnes
 Acceptas; & non fatius dicatur abortus
 De nihilo sine principio. Impertirene quisquam,
 Quo caret, hoc possit donum? Sed enim data nunquam
 Sic accepta tulit cuiquam mens sana: relinquit
 Sic referenda atheis munuscula mutua: digni.
 Sunt isti, qui pro meritis sibi dona vicissim
 Dent stulti, quae non habeant, eademque recipient.
 Est igitur DEUS, est! vitam dedit omnibus ille.
 Quotquot ea fruimur; dat, & in momenta tuetur.
 O mea vita DEUS! gratus Tibi debeo vitam;
 Acceptamque lubens refero: nec debeo solus;
 Haec pariter debent, illa quotcumque fruuntur:
 Debent ipsi athei; renuant utcumque referre.
 Illius Auctorem Te clamant omnia primum!
 Quidquid habet mundus, res omnis lingua diserta est,
 Quae testatur idem, scelerisque coarguit, hujus
 Inficiatores veri! Strepit impia contra
 Turba crepetque licet; tamen exsurdetur, oportet.
 Illa tot elingues non unquam redderet testes;
 Tam validas, non illa potest pervincere voces.
 Quod si furda neget facilem, tot testibus aurem,
 Certè incorruptum testem non obruet; intus
 Qui residens animo, constanter nocte dieque,

Te primum Auctorem vitae, Dominumque supremum
 Praesentem perhibet, tacitusque susurrat in aures:
 Judicem & ultorem fore Te negitantibus acrem.

Ordo igitur, Motus, Vita & Defectio rerum
 Aspectabilium, quarum pleraeque quot horis
 Intereunt, cunctaeque simul vanescere possunt;
 Quin impossibiles valeant hoc nomine reddi:
 Quatuor invicti testes exstare revincunt
 Vi summa debere DEUM: qui cuncta creavit;
 Et tenet in praeceptis nihili incumbentia cuncta:
 Hucque relapsa queat nutu revocare potenti.
 Haec ratio quadruplex, haec testificatio summa;
 Praesentis speciem supremi Numinis alte
 Usque adeo nostris insculpit mentibus; illam
 Ut non inde dolus, non vis exsculpere possit:
 Nec demum penitus delere oblivio crassa.

O princeps vitae, motus, atque ordinis Auctor!
 O qui de nihilo res efficis! hucque ruentes
 Incolumes praestas; nihilique voragine mersas
 Extrahis hoc barathro; non subditus ipse ruinae!
 Res alias omnes; esse aut non esse, perinde
 Congruit: unum Te quondam non esse repugnat!
 Sic fumus; ut quia vis: simus, vivamus, agamus!
 Sic es; ut existas sola virtute tuamet!
 Sic fumus; ut simul, atque jubes periisse, cadamus!
 Sic es; ut e medio nullus te tollere possit.
 Sic fumus; ut bona nostra tibi sint debita soli!
 Sic es; ut adscribas tibi genus omne bonorum!
 Sic fumus, ut sita sint in Te nostra omnia, nosque!
 Sic es; ut in minimo pendere a nemine possis!
 Sic fumus; ut quamvis in nos bona cuncta profundas;
 Non tamen ex nobis nihilum desistimus esse.
 Sic es; ut omnino nil perdas, omnia dando,
 Salvaque sint tua dona tibi, prout ante fuerunt!
 O immensarum, DEUS, infinitio dotum!
 Gaudeo, quod solus sis omnia; caetera nil sint:
 Cunctaque cunctarum rerum bona; sint tua dona
 Nam, quae sunt, & quidquid habent dotum, atque bonorum

Numine sunt, nutuque tuo stant, atque coruscant:
 Nec sibi vel minimum poterit superaddere quisquam:
 Nec potis est extra Te, alicunde acquirere quidquam.

Talis imago tui se sistit, te mea talem
 Vita mihi; talem motus; talem exhibet ordo.
 Haec nota, vis, virtus, princeps tuus iste character;
 Ut sis, & nequeas ullo vanescere casu.
 Ex hac exstendi vi summa temet ab ipso,
 Colligitur liquido virtutum summa tuarum.
 Hinc cujusque tuae liquet infinitio dotis.

Nam quis constituat Divinis dotibus illos
 Fines? Ipse DEUS sibi non descripsit eosdem.
 Nec porro potuit, poteritve hos ponere causa
 Ulla DEO, siquidem non est obnoxius ulli,
 Spectatus, quacunque lubet ratione, modoque.
 Sane illâ, nostris animis quae picta relucet,
 Mentis supremæ, nihil est in imagine profus,
 Quod circumscribi cancellis exigat ullis.
 Quin existendi vis insuperabilis, omni
 Tempore tum spatio, quam notio Numinis offert,
 Quamve tot invictis rationibus usque probavi;
 Arcet & excludit cunctas, a Numine metas.
 Omnis enim limes defectio nonnisi certa est;
 Qua res arctatur, ne sese porrigat ultra.
 Jam quod in exstendo, causa non pendet ab ulla;
 Id, nulla, pendere potest in dote, modoque;
 Sed qua vi existit, dotes hæc possidet omnes:
 Hac bona, virtutes & confectaria cuncta
 Naturæ propriæ, sibi vindicat atque tuetur.

Infinita omnis natura sit illa necesse est;
 Dotem infinitam cujus liquet esse vel unam.
 Ut finita rei dos demonstrata vel una;
 Finibus arctatas omnes evincit ad unam:
 Sic detecta rei dos infinita vel una;
 Limitis exsortes reliquas rite arguit omnes.
 Infinita proin virtus in numine cum sit
 Semper ad exstendum; non sunt bona caetera septa.
 Quare virtutum genere infinitus in omni

Est

Est DEUS : has etenim non est , quod stringat & arctet.
Nec vero nihilum valet istis ponere metas.

Cum nihil a nihilo ceu causa possit oriri.

Non patitur , nec agit nihilum : vis omnis & actus
Est expers , ut ut hanc caecam versaveris umbram ,
Nonnisi egestatem , tetrumque videbis inane.

O mare virtutum ; mare nullo littore cinctum !

Immensum pelagus , generis cujusque bonorum !

Et dotum , ac decorum , DEUS ! infinitio simplex !

Vastis non caperis spatiis , caelique folique ;

Finibus & metis non circumscriberis usquam !

Definire tamen Te cognitione quis ausit ?

Et neget hinc ; quod Te nequeat comprehendere mente ?

Te ! cujus dotum patet infinitio clare ;

Ob quam comprehendi nequeas ratione creata ?

(O homo ! quid pelagus cotyla exhaurire laboras ?

Hicque tuas vires nil posse irascere amens ?

Includine queat mare grande putamen in unum ?

Angustane capi queat infinitio mente ?

Nosse , tuum officium est ; at non comprehendere Numen :

Solum nempe animo semet complectitur illud.

Tunc DEUM capias , qui rem quamcunque minutam

Non satis assequeris ? penitus neque noscere porro

Es potis ; ingenii vires licet usque profundas ?

Plurima quo pacto fiant , non perspicias ; illa

Attamen haud dubitas fieri . Quis novit aperte :

Qui cibus in carnem ; sanguis mutetur in ossa ?

Qui succus , varios plantae formetur in artus ?

Halitus atque vapor ; qua lege ferantur in altum ?

Aut qua fulmineum nubes erumpat in ignem ?

Corpora qui feriens edit miracula tanta :

Ut parcat teneris ; durissima disluat uno

Momento : liquet haec puncto uno ; duret at ista ?

Unde sit in pyrio correpto pulvere flammis ,

Fulminis impetui tantum non aemula virtus :

Quae turre affligat humi , quae moenia sternat :

In sublime domos rapiat ; telluris hiatus

Recludat : laceret firmissima corpora quaeque ,

Atque

Atque uno, quaevis obstacula dissipet ictu?
 Quis novit, qua vi ferrum a magnete trahatur?
 Qua paleas, stipulasque electrica corpora raptent;
 Haec ubi permodico frictu irritata fuere?
 Qua ratione feros pelagus cieatur in aestus;
 Affluat & resluat? qua turgeat atque dehiscat?
 Quid multis opus est? e centum millibus unum
 Effectum vix perspiciamus; percellere nostros
 Qui sensus fuerunt, animosque stupore tenere
 Defixos, omni vitae mortalis in aevo.
 Nec tamen idcirco, quia non penetramus; ut exstant,
 Quove modo fiant; fieri dubitamus eosdem:
 Hos, quia testantur fieri; aut existere, sensus.
 Sensibus ergo fides nostris sanctissima constat;
 Tam certis autem rationibus illa negetur;
 Hactenus, esse DEUM queis demonstravimus? Oro
 His tu certa magis quaenam documenta requiris;
 Amplius aeternum tibi declarantia Numen?
 Sane existendi vis infinita supremi
 Numinis, & quaevis ejus perfectio; cum sit
 Immensum potior nostris, & limitis expers:
 Haud infinite valet illucescere nostris
 Angustis animis, tenebroso carcere vincitis:
 Sic tamen illa nitet: dubium ut procul omne releget.
 Haecne tibi verum, re constat certius ullum?
 Qua tandem ratione DEUM manifestius optas
 Perspicere in vita? tractarene sensibus illum;
 Usurpare oculis velles; aut tangere dextra?
 Spiritus & mera mens; DEUS immutabilis ex se;
 Ut vicis est exfors; expers ita corporis omnis.
 Quodsi corporeus, pariter mutabilis esset:
 Sensu usurpari nequit ergo corporis ullo.
 Quid, quod fallaces satis experientia testes,
 Sensus esse docet nostros: cum notio contra
 Clara rei, merito certissima testis habenda
 Comperti veri? Sensu res noscere tantum;
 Vilis conditio, status, & natura ferarum est.
 Quin fatius ratione DEUM deprendere pergis:

Cujus

Cujus tam claram momenta gravissima nobis
 Ingenerant speciem; quae nunquam fallere possit.
 Noscendi causa veri est mens indita nobis;
 Ast hebetes sensus, alios aptantur in usus.

Detectura quidem verum mens nostra, frequenter
 Utitur auxilio sensum; sed in indole tantum
 Materiae cognoscenda, vel dotibus ejus.
 Quam tamen hic pariter, nisi sit cautissima plane,
 Decipitur crebro fallacis imagine veri!
 Sensibus, heu! quoties ducibus, captavimus ipsi,
 Pro vero speciem, simulacraque inania veri!
 Stultum est consilium, fallaci quaerere verum
 Indice; quod certo deprendere judice possis.
 Quorsum igitur frustra delassas corporis artus?
 Quid casto sensus exfertis saepe labore?
 Quid tentas; Numea velut apprensurus iisdem?
 Non cadit in nostros mens praestantissima sensus.
 Quid, quaerendo DEUM, longe lateque vagaris?
 Longius a nobis nequaquam distat: in ipso
 Vivimus: ut loquitur Paulus: sumus, atque movemur.
 Sacrilegum scelus est, inquirere sensibus illum;
 Quem meliore tui deprendere parte juberis.
 Mens DEUS est: solo rationis noscitur usu.
 Vis spectare DEUM? mentem speculari tuammet.
 Sunt nostrae mentes, Animi simulacra supremi,
 Et documenta simul sunt invictissima. Certe
 Materies, haud humanae rationis origo
 Esse potest. Est mens hominis res corporis expers;
 Nobiliorque omni, substantia, corpore. Porro
 Quodlibet effectum perfectius esse repugnat
 Efficiente sua causa; quod suavis ante.

Materies & mens; duo diversissima plane
 Entia sunt; quin multimodis pugnantia secum.
 Mens sentit, meditat, agit, notat intima sensa:
 Praeteriti meminit, praesagit multa futura:
 Corporis expertes res percipit, odit, amatque:
 Noscit virtutes, & honesti flagrat amore:
 Perspicit opprobrium vitiorum, & dedecus horret:

Quae

Quae fugiunt sensus, ea cognitioneprehendit.
 At vero cognoscendi vi, praedita non est
 Materies: cui si rationem ponis inesse;
 Jam cuius atomi rationis competet usus:
 Est atomis etenim natura limillima cunctis.
 Quod si materiae quaevis pars cogitet; anne
 Quaelibet est proprii tantummodo conscia sensus?
 An norunt aliena, velut sua sensa perinde;
 Singula materiae corpuscula: Si sua tantum
 Sensa sciant: quinam, cedo, conspirare valebant
 Partes ignarae sensus communis, in unum
 Sensum; terrarum fabricando videlicet orbem?
 Et totam mundi molem, concordae labore?
 Mirum! consensus tantus, concordia tanta
 Unde sit innumeris in partibus orta repente!
 Cum tamen inter se vix consentire notentur,
 In commune bonum, mortales unius urbis:
 Quamvis consiliis gravibus ducantur eodem
 Secum collatis, & ab uno fine vocentur.
 Sine autem sensus alienos, singula pugnes
 Plane exploratos corpuscula habere vicissim;
 Esseque contendat sibi conscia consiliorum:
 Fare; quid est? quod nos, qui nonnisi corpora pura,
 O Epicure! sumus te iudice, frustra quaedam
 Materiae: dic, cur nos explorare nequimus;
 Caetera quid tacito meditentur corpora secum:
 Materiae sed enim mens, consiliumque repugnant.
 Corpus enim quodvis extensio nonnisi certa est:
 Vel quod idem sonat: extensa est substantia, resque
 Sectilis in partes, quae se penetrare vicissim
 Non valeant, unaque loco consistere eodem
 Non possint: res est certis affecta figuris,
 Denique res, variis distincta coloribus, omnis
 Portio materiae est. Porro genus hocce modorum,
 Discordat nostra cum cognitione: secari
 Haec nequit in partes, nullum capit haecce colorem:
 Corpoream demum non induit ista figuram.
 Nam mea cognitio; quas continet, obsecro, partes?
 Quas

Quas amor; aut odium? quas nutus? quasve renutus?

Quas animi interior quaevis affectio nostri?

Cognitionis ubi est dextrum latus, atque sinistrum?

Infima pars, edic ubi fit; vel denique summa?

Quadratine animi sunt sensus; ane-rotundi?

Aut alia quavis infigues suntne figura?

An color ullus inest istis? albusne; ruberne?

Iudiciis mentis quis item color; & quis amor?

Ultra materiam, manifesto hinc ergo patet,

Altius humanae mentis caput esse petendum.

Spiritus est igitur nostrae rationis orgo.

Spiritus est: exstare cui virtute, suaapte

Naturae immensae per saecula cuncta, necesse est.

Spiritus aeternus, vel, ut ajunt, spiritus a se:

Qui sibi sufficiens, merito se ponit in uno

Cuncta sua; & reliquis quoque cunctis sufficit unus.

Is solus mentes, caecum quas haurit inane,

Extrahit in lucem. Nec enim mens undique septa

Limitibus; poterit similem sibi gignere mentem.

Cum nullas habeat mentis substantia partes;

Vi quarum gigni, ceu caetera corpora, possit.

Est nimirum animus noster substantia simplex;

Cujus, ab aeterno prorsus nil exstitit aevo:

Nec valet in rebus poni, nisi tota creetur:

Nec nisi suprema potis est a mente creari.

Haec animo reputans secum non nemo furreret:

Si DEUS est, quod ais, Mens praestantissima; nostras

Condidit sane mentes: sed corpora quaeso,

E nihilo, quamnam potuit ratione creare?

Spiritus ipse merus; proin dotum corporis expertus?

Nempe dedit dotes, quas non possederat unquam.

Tu tamen ista DEO, cave sis, opponere pergas.

Quidquid enim dotum, decorumve relucet in orbe.

Quidquid inest rebus virtutum, sive bonorum:

Ista sinu proprio complectitur omnia Numen

Excellenti modo, divinaque indole digno:

Quem nulli nostrum fas est depingere mente.

Ac proin materiae pariter bona continet ipsum.

Scili-

Scilicet, ut potis est animus depingere noster
 Corpora quaeque sibi, quantumvis corporis expers;
 Sic DEUS e nihilo moliri corpora novit:
 Corporea longe diversis ab indole quamvis.

Hic me Epicureus Sophus interpellat, & inquit:
 Non capio, quam ratione emergere possent
 Corpora tot nihilo: quam ratione vel una
 Sic atomus fieri; minime comprehendere possum.
 E nihilo non fit quidquam, fierique repugnat:
 Hoc ratio dictat: vetus hoc sententia firmat.

Non capis, e nihilo qui finxerit omnia Numen.
 An capis, ex sese, qui cuncta existere possent?
 Ex se non exstat, quidquid mutabile per se est.
 Materies vero per se est mutabilis: ex se
 Non proin existit: quondam ergo existere coepit.

E nihilo nil fit: sine causa principe nempe.
 E nihilo princeps tamen omnia, causa creavit.
 Nam quia materiam, certo deduximus ante;
 Absque sua causa per sese exstare nequire;
 Hanc exercitio causae primae esse creatam,
 Consequitur liquido: licet actio deinde creatrix,
 Qua producta fuit, sit nostrae impervia menti.
 Porro repugnare; & quiddam penetrare nequire;
 Sensa duo toto sunt disjunctissima caelo.

Ut tamen effingas speciem quandam illius actus;
 Quo DEUS ex nihilo Caelum terramque creavit,
 Ac proin materiam primam: complectere mente
 Immensum quoddam spatium; sed inane putato:
 Hoc solidasse DEUM momento concipe; & ecce
 Materies! solida en extensio! corpus & ecce!
 Hac specie si mens non est contenta; memento,
 Infinita DEI dos, visque creatio quod fit:
 Imbecilla autem tua perspicientia quod fit.

At quorsum temere captu majora requiris?
 Esse DEUM, fas est & opus cognoscere, cunctis:
 Scrutari vero dotes illius & actus;
 Immensique maris, velut oras visere velle;
 Velle sinus omnes, peragrarique velle recessus;

Indi-

Indignum facinus : ratio cui sana reclamationat.

Namque docet quemvis rationis sobrius usus :

Quod DEUS arctari non possit finibus ullis :

Atque adeo nostrum captum transcendat, oportet ;

Ut procul a recta, sit homo ratione remotus ;

Qui propriae menti tentat submittere primum

Principium mentis ; seseque immergere Lucem

Audet in immeasam ; quam perspicientia nostra,

Perlustrare nequit tantum, quantum illa coruscet.

Non secus : in Solem veluti, qui lumina figit

Acrius, atque illum sibi copia facta videndi est ;

Imprudens ausum luit : intuitusque procacis

Fert meritas poenas, amisso luminis usu.

Porro, licet minime nobis ex ordine cunctas

Fas sit Divinae naturae noscere dotes :

Perspicimus tamen, & liquido ; non posse deesse

Vel minimum quidquam cumulo Summaeque bonorum :

Hocque genus Summam debere existere semper.

Haud bona res ; etiam minimae defectio dotis :

Res mala ; vel modico vitio quocunque scateret :

Optima ; defectu quovis, naevoque vacare.

Res proin immunis defectu prorius ab omni ;

Nulla in se penitus pugnancia continet : ergo

Exstat. Cunctarum, defectio maxima namque est :

Temporis atque loci spatiis existere nullis.

Omnis egestatis, defectus omnis, origo est

Et fons, quod dicunt, non *existentia* rerum.

Sane, si cumulus dotum ; si Summa bonorum ;

Expers defectus, nullique obnoxia noxae ;

Si non exstaret Mens perfectissima semper :

Non ea possibiles inter res quiret haberi.

Cum tamen efficiat prorius pugnancia nulla :

Haec imo efficeret ; si non existere posset.

Si minus ista DEUM persuadent esse cuiquam :

Hic caret ; aut uti sana ratione recusat.

Unicus est porro caeli terraeque Creator,

Unicus est animus, nostrorum Praefes, & Auctor.

Dissona sunt sanae rationi extrema perinde :

Finge-

Fingere, plura uno; seu nullum credere Numen.
 Nam si sufficiat DEUS unitus omnibus: ille
 Absque alio quocunque potest existere nonne?
 Non erit ergo alii cuivis exstare necesse.
 At DEUS esse nequit, qui non existere possit.
 Quippe DEUM verum, quondam non esse repugnat.
 Si non sufficiat sibi; si non omnibus unus;
 Deficit: ergo DEUS non est. Non deficit ulla
 Dote DEUS: fatis est sibi: sufficit omnibus unus.

Numina si possint existere plura, necesse est,
 Infinita dari: Nam si duo; si tria possint:
 Cur non mille queant? cur infinita repugnant?
 Cum sint principii, cum sint expertia causae:
 Cum vi naturae solius, oportet, ut exstant.
 Quocirca si exstare queant; existere debent.
 Non secus, ac vi naturae DEUS unicus exstans:
 Hoc ipso, quo jure potest, existere debet.
 Possit exstare DEUM, debereque scilicet unum est.
 Exstandi siquidem rationem continet in se.
 Infinita proin, si non sunt Numina; nec sunt
 Vel duo: sicque duo, prout infinita, repugnant.

Res absurda Dii plures; DEUS unicus exstat:
 Immensas complexus opes summamque bonorum.
 Unicus ipse sibi, nobis quoque sufficit unus.
 Nec solum nobis, atque his, quae mundus hic ambit:
 Unus at innumeris par orbibus ille creandis.
 Nullis namque potest Divina potentia reddi
 Effoeta effectis; licet infinita crearet.
 Nec modo sufficiens effectibus omnibus unus
 Est DEUS omnipotens, alius sed quisque repugnat.

Finge DEOS etenim geminos: tum dic an uterque
 Omnia contineat bona? num sit summus uterque?
 Sitne perinde potens? liberne sit unus, ut alter?
 Si minus alteruter sapiens, liberve, potensve:
 Ergo deest uni quiddam, quod possidet alter.
 Hiccine deinde DEUS; quem quidquam deficit? Atqui,
 Ut vel Grammaticis notum, DEUS inde vocatur:
 Quod sibi nil desit; quodve ipse det omnia cunctis:

Nil

Nil tamen amittat. Cum Numinis indole nempe ;
 Non poterit minimae jungi defectio dotis ,
 Non igitur DEUS is, qui non liberrimus. Ergo ,
 Viribus inferior , verus DEUS esse negandus.
 Libertate DEI nequit esse solutior ulla.
 Non poterit vero reperiri Numine , quisquam
 Fortior aut melior , potior non dote vel una.

Libertate pari quod si, summeque potentes ;
 Esse DEOS statuas ; certabunt aemula nonne
 Numina perpetuo ; bellumque perenne ciebunt ?
 Namque Dii , vi summa & libertate potiti ,
 Conspirare scopum minime cogentur in unum.
 Ergo quod hic factum volet ; alter conscius ejus
 Consilii , ne fiat idem , prohibere valebit.
 Atque adeo neuter summe liberque potensque ,
 Nec DEUS ergo. DEO vis namque resistere nulla :
 Consiliumque ejus potis est evertere nullus.

Numina sic qui plura docent exstare ; nec unum ,
 Verum nempe DEUM , recte defendere possunt.
 Unicus ergo DEUS certo concluditur esse ;
 Omnibus excellens , suppar cui nulla potestas.

Porro , licet spatio sit praesentissimus omni ;
 Unus & immensus , summusque hic spiritus ; ille
 Materiae minime tamen est unitus , eamque
 Ipsemet haud animat ; finxit quod Stoica secta ,
 Quodve docent alii , deliramenta secuti :
 Queis nihil est mundus ; nisi grandis bellua quaedam.

Scilicet includi refugit compagibus ullis ;
 Spiritus immensus , liberrimus , atque solutus
 Usu materiae , nexuque solutus ab omni.
 Cuncta cui summe ; nulli autem obnoxius ipse est.
 Ille , nec in nostro , pecudumque in corpore ; vitae
 Fungitur officiis , animae vice ; qui fuit error
 Pythagorae. Quid enim , rudis atque ignarus is esset
 Artibus in nostris ? Etenim miserabilis omnes
 Multaque nos homines tenet ignorantio veri.
 Quin etiam , qua re nihil est absurdius , ille
 Innumeris se pollueret gravibusque piacis ;

Queis

Queis genus humanum sese contaminat usque.

Si DEUS, exclusis animabus, corpora nostra
 Per se animat, vegetatque; & in ipsis sentit, agitque:
 Mille repugnantes, una componere debet
 In sese dotes. Scelus hic admittit; at illic
 Interea varios virtutum erumpit in actus.
 Hic sapiens, felix, commendatissimus una
 Omnibus officiis; alibique miserrimus idem:
 Pronus ad omne scelus, vitio teterrimus omni.
 Hiccinne perro DEUS? monstrum quinimo nefandum:
 Idolum vanum cerebri, sibimetque repugnans.

Quam certum est igitur, mundi quod Conditor existet;
 Tam pariter res est comperta, quod unicus existet.
 Quam rursus certum est, debere existere Numen;
 Tam certum est iterum, non posse existere plura.
 Esse necesse DEUM est: unum tantum esse necessum est.
 Ignorare nequit verum mens longius istud
 Sana quidem: nequit in dubio mens sobria verum hos
 Ponere: sed minus ex animo valet hocce negare.
 Quamlibet huic verò tenebras offundere pergant;
 Non tamen eripient ipsi capita improba lucem.
 Obscurare queunt: nequeunt exsculpere formam
 Numinis aeterni ex animis nostrisque, suisque.
 Non secus, ac Solem nubes obducere possunt;
 Hunc tamen haud radiis privare, haud lumine possunt,
 Disjicit objectas nubes lux aurea Solis:
 Mentibus offusas tenebras fax fulgida veri.

O quicumque lubens dubiorum mergeris aestu!
 Et liquidis rebus tenebras offundere gestis,
 Sic; ut in incertum revoces certissima quaeque:
 Numque sit ipse DEUS, dubitare scelestius audes,
 In re tam certa, tua mens ne fluctuet anceps:
 Saepius haec, moneo, tecum reputare memento.
 Num DEUS existat; possim dubitare sceleste;
 Ast quod is haud existet, fieri non certior unquam.
 Quod sit enim DEUS, hoc vero non certius ullum,
 Illius existendi summo nil derogo juri;
 Si dubitem, prorsusne sit ipsi existare necesse?

Hinc

Hinc mea, non ejus, fors infelicioꝝ exit.
 Nulla parte DEUM, si, num fit is, ambigo; muto!
 Nilque negans ipsum, vario: mutatio tota
 Est mea! proh qualis mutatio! quamve tremenda!
 Fio nocens! felix non fio! miserrimus imo
 Nunc, & in aeternos evado miserrimus annos!
 Hei misero mihi! si DEUS est! quid certius autem,
 Quam quod is existat? quae me tormenta manebunt;
 Si, num fit, dubitem; vel eum, si nosse recusem!
 Quot pugnae mihi sunt intusque, forisq̄e ciendae!
 Extra, cum toto, bellum sine fine gerendum
 Jugiter orbe mihi est! totus pro Numine namque
 Insuperabilibus pugnat rationibus Orbis;
 Quam grave, quam longum, quam formidabile bellum!
 Hocce domi, multo certamen acerbius instat;
 Quod dubitaturō denuntiat intimus hostis;
 Consciū in dubium revocandi, sive negandi
 Numinis, ipse animus meus: amens iste furore,
 Atque intemperis, stimulisq̄e atrocibus actus,
 Vindicis aeterni terrebit imagine moestum;
 Et miserum taedis furiarum ardentibus uret,
 Objiciensq̄e nefas haec ingeret intus in aurem:
 Vivis? & Auctorem vitae cognoscere non vis?
 Hancne vicem reddis benefactis? hancne rependis
 Pro meritis grates; quēis te Dator optimus auget?
 O Coelum! coelum ultrices quin evomis ignes?
 Invisumq̄e caput perdis? quin Terra dehiscis,
 Ingratumve voras? quin tollis inutile pondus?
 Quin scelus absorbes diducto Tartare rictu?
 Eheu! tam saevus quoties geminabitur ictus!
 Cor quoties, hoc trajiciet penetrabile telum!
 Nusquam tuta quies, sinceraq̄e gaudia nusquam!
 Nunquam pax speranda mihi; victoria nunquam!
 Placari nescit, superari nescit hic hostis.
 His oppressa malis praesens mihi vita trahenda:
 Sed cumulata malis longe gravioribus, instat
 Vita ter infelix, nullum ponenda per aevum;
 Heu quibus & quantis poenis obnoxia vita!

Vita

Vita autem? mors imo, & morte atrocior omni
 Interitus; cunctos mihi perpetuandus in annos!
 Magne DEUS! quae, me miser, ad tormenta refervo;
 Si de Te dubito; vel si Te pergo negare!
 Ista volutantem, quis jam modo percutit horror?
 Quis stupor exanimat? quae desperatio terret?
 Sic, vel in hac vita non est impune scelestis
 In dubium revocare DEUM, temereque negare.

Quod si tam gravis est labor, atque molestia tanta,
 Numinis ex animo speciem detergere velle:
 Tantaque poena manet, vel in ipso criminis ausu,
 In dubium, Numen revocantes atque negantes:
 Noscere nonne DEUM fors felicissima nostra est?
 Nonne est Divinae quaedam communio vitae;
 Nosse Bonum summum; sed amare medullitus una?
 Notio namque DEI, quae cor non urit amore,
 Flamma velut fatua est, a qua nil concipit ignem.
 Cognitione DEI, sed quae sociatur amori;
 Nostri animi tantum poterunt, & corda beari.
 Quaeque vales, & quaeque voles, te pone caduca
 Obtinuisse simul bona: mens tamen omnibus istis
 Corque tuum plene non exfatiabitur unquam.
 Irritare queunt; nequeunt replere cor ista.
 Usque adeo laxas latebras, vastosque recessus
 Cordibus aptavit nostris, hac, Numen, ut arte,
 Ad se ceu finem mentes animosque referret.
 Hinc infinita, mens quaeque cupidine flagrat;
 Quam nisi summa DEI bonitas restringere possit.
 Vitae immortalis spes, & fors maxima nostri
 Ardoris, studii! votorum summa scopusque!
 Da dignam! da magnificam! da terque quaterque
 Augustam! quam ferre potest angusta facultas
 Nostra; tui DEUS! in nobis depingere formam!
 Huic respondentem, da, concipiamus amorem!
 Exoriare animis o Lux liquidissima nostris;
 Cordaque Divino depascere suaviter igne!

O DEUS! o bonitas, o infinite bonorum
 Fons, & origo DEUS! Tu sufficis unus amanti,

Vae

Vae miseris; qui Te spreto, per mille caduca
 Solliciti bona discurrunt: venantur honores:
 Qui sectantur opes, qui lubrica gaudia tanto
 Conquirunt studio; curaque coquuntur inani!
 Certius haec poterant: poterant felicius in Te,
 Haec reperire; DEUS! nam Tu complecteris *ista*
 Nobiliore modo; vitio omni fineque dempto.
 Nempe infinitis gradibus meliora, magisque
 Dulcia sunt in Te, cuncta haec; ceu fonte bonorum,
 Immensoque mari; quam possint esse creatis
 In rebus; quae sunt stillae duntaxat & umbrae
 Illorum, quis plena Tua est natura, bonorum.
 In Te deliciae sunt omnes, gaudia cuncta,
 Atque voluptates, omnis decor, atque venustas:
 Immensae dotes, quis nil praestantius usquam:
 Nil optabilius; nil, quod perfectius explet,
 Pectoris humani vastissima corda, sinusque.
 In Te est; quidquid habet pulchri, Coalumque, Solumque;
 Atque Salum locuples: in Te lux aurea Solis;
 Stellarumque jubar; gemmarum fulgor & auri;
 Hortorumque lepos; agri decor omnis, & urbis;
 Et domuum species, & magnificentia Regum:
 Nectarei potus; epularum gratia, & omnes
 Illecebrae sensus; cuncta oblectamina vitae.
 Haec, atque infinita Unus complecteris in Te;
 Sed meliore modo, quem mens non exprimet ulla.
 His qui plura cupit, furit; ac non ille beatus;
 Sed cupit infelix, cupit imo miserrimus esse.
 At mihi pro cunctis, esto DEUS omnia, rebus:
 Quin infinite sis amplius omnibus Unus;
 Prout infinitis rationibus omnia vincis.
 O Bonitas immensa DEUS! bona cuncta caduca
 Vanescunt collata Tibi, nomenque decusque
 Amittunt, splendore Tuorum extincta bonorum.
 Quippe Tua bonitate magis bona fluxa retundis,
 Quam jubar astrorum, lux obruat aurea Solis!
 Cor stolide est avidum, cui tu non sufficis Unus.


 DIVINA PROVIDENTIA.



A RMA ministro tibi, certo queis cuncta retundas
 Tela, quibus curam divini Numinis, orbem,
 Qua regit, & cunctis rebus qua prospicit; ausu
 Oppugnant scelerato homines, temereque laceffunt.
 Infimulantique DEUM; mala quod non omnia tollat:
 Quae genus humanum vasti maris instar inundant.
 Nec furor hic sistit: fontem quinimo malorum
 Esse DEUM latrant, furiis stimulantibus orci.
 Hos ut conficias, spoliisque imbellibus armis,
 Principia haec memori, quae mox dabo, mente recondes;
 Ut totidem tibi sint armamentaria prompta,
 Ex quibus adversum telo telum omne repellas
 Certo ictu, certaue hostis; telique ruina.

Defensuro igitur divini Numinis altum
 Consilium, quo nos: quo summa, gubernat & ima:
 Prima stet haec falli sententia nescia: quod sit
 Deficiens è natura res quaeque creata.
 Qua finitur enim parte, illa deficit omni.
 Casibus innumeris, vicibusque obnoxia proinde.
 Quippe addi, demique ipsi quam plurima possunt.
 Cum bonitate DEI minime defectio porro
 Haec pugnat: deberet enim secus ille creare
 Res infinitas; aut nullas condere posset.

Altera, non minus haec constet sententia firma:
 Dum res è nihilo condit DEUS; amplius illis,
 Praeter eas dotes, sibi quas natura, statusque
 Et scopus ipsarum poscit; nihil addat, oportet

Sic

Sic tribus angululis minime concedere plures
 Angulos debet; cum vult extare trigonum:
 Quod tres, nec plures poscat natura trigoni.
 Nam si addat quartum, jam desinet esse trigonum,
 Nempe statis, clausa est res condita, dotibus omnis:
 Ultra quas, salva natura excurrere non quit.

Pleraque dum pulchro carpuntur in ordine mundi,
 Ceu damnosa forent; aut nullis usibus apta:
 Aut rudia: aut nimium distorta, informia, foeda.
 Haec tibi pro valido, in promptu fit cautio telo.
 Membrorum sine respectu, & per frustra seorsum
 Secluso nexu; non est spectandus hic orbis:
 Sed veluti moles variis ex partibus apta.
 Cunctaque, cum corpus scite conflentur in unum;
 Ad finem, pars quaeque suum referatur, oportet.
 Hinc minor unius partis perfectio, & impar
 Conditio, poterit majorem adferre decorem,
 Huic toti mundo. Sic arte coloribus umbras
 Miscens in tabula pictor; spirantia pingit
 Ora hominum: species florum, simulacraque viva,
 Umbrae subsidio. Sic dexteritate periti
 Artificis, multas res texere, qui scit in usus:
 Partibus ex rudibus pulcherrima machina, surgit,
 Ipseque diversus status, & variantia partium
 Conciliant operi docto pretiumque, decusque.
 Nec quisquam prudenter aget; si machina ab ista,
 Abjiciat partem, cujus non colligit usum,
 Novit enim faber hunc, summaque innexuit arte
 Partem illam reliquis, sine qua pretiumve, lepore,
 Aut finis fabricae optatus constare nequirit.

Hisce tribus telis, tria firma sequentia junge,
 Cum sibi sufficiat plene DEUS unicus; orbi
 Prodere se, dotisque suas non debuit unquam,
 Prodere cum voluit; plane non debuit omnes:
 Nec magis has illis; nec tantum prodere, quantum,
 Quotve potest: sed quas, & quot, quantumque libebat.
 Nempe ipse in cunctis liber, quo non magis alter.
 Extra quaesitis minime rationibus ullis

Impelli poterit : momenta sed omnia agendi,
 In sese reperit : non indigus ullius unquam.
 Non vi, non fato : non ambitione, lucreve ;
 Nullo animi pravo motu, Sanctissimus idem ;
 Sed bonitate mera, cum libertate movetur,
 Ad manifestandis dotes, quibus ille beatus,
 Non minus ante fuit ; mundo quam prodidit ipfas.

Ex infinito DEUS infinitus oportet ;
 Omnia consilio statuatur, dispenset, agatque.
 Hinc est, quod nulli penitus pernoscere fit fas :

Quanto consilio, mundum DEUS huncce gubernet.
 Nempe infinitae mentis comprehendere sensus,
 Consilia, impulsus, fines, finita nequit mens.
 Luce tamen solis manifestius enitet : Is, quod
 Ex summa sapientia agat bonitateque, oportet,
 Cui Ratio, & bonitas exfortes limitis insunt.

Ex sola abstracta, bonitatis imagine, summae,
 Argumenta petunt hostes, & quidquid ab ista
 Non fluit ; ipsi adversari statuuntque, crepantque.
 Non secus atque, DEO bonitas duntaxat inesset
 Unica sine carens, nec sine perinde carerent
 Suprema illius cum libertate potestas,
 Nonque forent dotes expertes limitis omnes.

En tibi pauca quidem, sed praesentissima tela,
 Omne quibus possis hostile retundere telum.
 Utque fidem redimam : juvat hisce laceessere ; pugnas,
 Bellaque spirantes hostes, suaque arma vibrantes.

Immensa bonitate DEI debere piacula
 Averti : excludi mala debere omnia, pugnant.
 Quonam igitur mala tot ? quorsum tot crimina ? clamant.
 Si bonus est infinite DEUS ; arceat ista.

Infinite equidem bonus est DEUS ; attamen ille,
 Haud infinite bonitatem pandere mundo ;
 Aut ita dotem aliam, manifestam reddere debet.
 Est DEUS infinite in se bonus : est tamen ipse,
 In manifestandis, propriis sibi dotibus, orbi :
 Atque adeo in dandis donis liberrimus una.
 Ut poterat cunctis, salva bonitate negare

Omnia:

Omnia : si neque nos, nec quidquam nempe creasset:
 Sic dum dat, minime debet profudere cuncta,
 Quae donare potest: aut his, quae dat; dare plura:
 Aut ista potius, quam alia ratione, graduque.
 Scilicet in minima re, non obnoxius ulli,
 Omnia complectens in se: sibi plus satis unus:
 Uno se felix, infiniteque beatus.

Infinita nequit finitis quin dare rebus;
 Nec bona tanta queunt res participare creatae,
 Conditione sua, constrictae finibus arctis.
 Quantiscunq; bonis, pergat, donisque creatam
 Rem cumulare DEUS; non desinet esse creatam,
 Esseque deficiens: igitur finita, caduca;
 Donibus innumeris, defecta proinde bonisque.

Vi proin immensae bonitatis, oportet ut a se,
 Omne malum DEUS excludat (saneque vel umbram,
 In se non patitur vitii:) non postulat autem
 Ulla DEI virtus; avertat ut omnia prorsus:
 Quae mala finitae sunt confectaria quaedam
 Naturae: secus & nihilum, ex quo cuncta creavit;
 Estque malum; foret illius bonitate necesse
 Excludi, aeternum retro, deincepsque per aevum,
 Defectumque rei in mundo cujuslibet omnem:
 Nulla DEI pariter dos poscit, ut arceat omne
 Flagitium: neque si non arceat; author haberi
 Istius poterit: poterit permittere jure
 Haec, quaecunq; fluunt ex conditione caduca,
 Et quorum, haud sibi sufficiens natura, capax est;
 Dummodo praesidium justum mala vera cavendi:
 Nimirum culpas fugiendi, & crimina cuncta,
 Suppeditet cunctis, quod sane non negat ulli.

Si bonitas immensa DEI, qua semet in ipso,
 Is bonus est: non solum a sese excludere cunctum;
 Sed prohibere malum deberet ab omnibus omne:
 Non modo nulla forent mala, quae sunt; nulla sed esse
 Possent. Quippe DEI bonitas inimica malis est:
 Non minus his, quae sunt; atque his, quae existere possunt;
 Quin existent quondam: nulla ergo existare valeret.

Porro

Porro impossibile esse malum ; qua lege , quis unquam
Intulit ex bonitate DEI ; aut concludere possit ?

Quae proin illaesa bonitate existere possunt :

Si quondam existant ; existent ipsa integra , oportet.

Magnum equidem mens nostra bonum est ; non est tamen

Quod DEUS est : cujus perfectio solus haec est : (ipsa ,

Ut vicis expers sit : sit ut immutabilis unus.

Caetera tot vicibus , cur sint obnoxia ; causa

Est : quia naturam DEUS ex se haud edidit ullam ,

Verum de nihilo , penitus res condidit omnes.

Sunt igitur bona nostra , DEI purissima dona :

Et mala ; sunt nihili mera confectionaria nostri.

Nec tamen ex nostro , fatali lege sequuntur

Crimina sic nihilo , nequeant ut prorsus omitti.

Viribus arbitrii divino Numine fulti ;

Possumus , ac sancta lege , ista cavere tenemur.

Haec gravius reputans , quivis concludet aperte :

Ad labefactandam divini Numinis aequam

Curam , qua caelum , terrarum qua regit orbem :

Et nostra salva , nos libertate gubernat :

Non satis esse Atheis , causas exquirere quorsum ;

Tot mala permittat : sed demonstrare necesse est ,

Nullas esse DEO causas : mala nostra finendi :

Lege , ipsum , fatali ad ea impedienda , teneri.

Porro licet penitus nequeamus noscere fines ,

Ob quos permittat Numen mala quaeque seorsum :

Cum tamen adductis certis rationibus usque ,

Tum liquido demonstratur ; non posse malorum

Principium esse DEUM : nec eidem posse deesse

Fines , & causas (Rationis lumine , quarum ,

Non paucas ipsi assequimur) mala nostra finendi :

Sive ea ; quae nihili sunt confectionaria nostri :

Sive ea : quae plena cum libertate patramus :

Quin is , vel minimum laedat jus ullius unquam ;

Quam certum est igitur , nostrum plerumque latere

Hos fines animum ; tam res est certa , quod adsint :

Quotve DEO noti sint , nilque sit aequius illis ,

Idcircone autem quae sunt manifesta ; negabis ;

Abdita

Abdita quod nequeas habeti comprehendere mente ?
 Aut ideo quidquam, proba demonstratio nutat ;
 Parte quod haud omni, res demonstrata, nitescat ?
 Solem extare nega ! licet illius aurea quippe
 Lux tibi praerádiet ; tamen haud natura coruscat.

Est proiu (conclusisse juvat tribus omnia verbis :)
 Nostra, sibi non sufficiens natura, malorum
 Fons & origo : DEUS caput est & summa bonorum.
 Jam quaedam mala sunt, mera confectaria nostrae,
 Undique descriptae naturae finibus arctis :
 Quae Physica appellant : alia arbitraria nobis ;
 Non male, quae dices : moralia, voce Latina.
 Illa nec infaustos reddunt, nec reddere possunt :
 Quin virtutum etiam seges esse uberrima possunt :
 Haudque alia nos mente DEUS non eripit illis.
 Haec si nos perdunt ; ipsi nos perdimus ultro,
 Nostroque omnino vitio, culpaque perimus.
 Nostri etenim arbitrii mala sunt ea, liber abusus.

At peccaturum, cum me praesciverit omni
 Retro aetate DEUS ; cur condidit ? (impius instat :)

Sane, non ideo, ut pecces ; te condidit : imo
 Ne pecces, vetuit : te libertate cavendi
 Delicta, instruxit : vitae mercede beatae,
 Suaviter invitât vitanda ad crimina, culpas :
 Aeternaeque minis poenae deterret ab illis.
 Tu tamen his spretis ; pergis nihilo minus ultro,
 Sponte, sciensque, volensque graves admittere noxas :
 Quem tibi praestituit, finem pervertere pergis.
 Vivis : tanquam idcirco ; ut pecces, conditus esses :
 Ne mirere, DEUS merito te plectet : at ipse
 Te miserum reddis, faustum cum reddere posses
 Ipsius auxilio : mente hac, te condidis ille :
 Ni tamen obstares : obstas ? sine excidis alto.
 Tu proin exitii es, certus Fons ille Salutis.

Tunc impertito, si munere perperam es usus ;
 Hunc, qui donavit, pravè donasse revinces ?
 Aut demonstrabis, quod non donârit amicè ;
 Sic ubi collatum ; res est manifesta, fuisse ? ac

Ne

Ne potuisse fecus donum dare; qui dedit istud?
 Me, sed abufurum dono si viderit, omni
 Retro aetate DEUS; possumne salubriter uti?
 Tu vero poteris. Divina scientia falli
 An poterit? minime porro. Sed qua ratione,
 Efficies, falli posse hanc: quod munere possis,
 Uti praeclare; quo prave ufurus es, & quo
 Te sic ufurum, DEUS omni vidit ab aevo?
 Ufurum male dono, & posse salubriter uti;
 Vidit utrumque DEUS cunctis aetatibus antè,
 An libertatem divina scientia laedit?
 Ast illam, hac minime laedi; liquidissima res est,
 Nec locus, hac de re dubitandi, est amplius ullus;
 Docta, quod evincunt, & spissa volumina passim.
 Ne tamen objectis, non responsum esse queraris,
 Unum pro multis responsum, sit satis istud.
 Si libertatem haec, qua nostros praevidet actus
 Aeternis seclis; divina scientia laedit;
 De libertate ipsius quoque Numinis actum est.
 Nonne DEUS summa cum libertate creavit
 Omnia? nonne tamen quaecunque in tempore fecit;
 Retro omni seculo, certo praevidit agenda?
 Nam quid eum lateat, cui perspectissima cuncta?
 Aut quid agat caeae, quo non sapientior ullus?
 Quodsi aeterna DEI praesensio, qua videt ipse;
 Sponte sua quidnam acturus sit tempore certo;
 Libertatem illi salvam, incolumemque; relinquit;
 (Et certe haud adimit; sine qua DEUS esse nequiret:)
 Non est; ut nostram violet, vel tollere pergat:
 Nec sane tollit: quin certius adstruit imo.
 Haud siquidem nudos, praescit quadantenus actus;
 Sed modus, & ratio, quibus actio quaeque futura est:
 Sunt ex omni aetate DEO perspecta perinde:
 Libera, proinde videt cum libertate patrandam.
 Ergo tam est certum cum libertate futura;
 Quam, quod non possit divina scientia falli.
 Nempe rei, non est, praenotio, causa futurae.
 Non etenim est ideo res eventura, quod illam

Praesciat

Praesciat aeternum, certo DEUS esse futuram;
 Ast ideo potius, certo videt esse futuram:
 Tempore quod fixo, res eventura sit illa.
 Non facit objectas res ulla scientia; tantum
 Inspectat factas, contemplaturque futuras.
 Objectam propter rem est quaeque scientia: sed non
 Hanc propter, res est objecta vel una vicissim.
 Hinc objecta prius res concipiatur, oportet;
 Quam tua cognitio. Nec enim cognoscere quidquam
 Mens posset: Verum si non praesumeret ullum:
 Cognitione ergo, verum prius esse necesse est:
 Utque ea praeteriti, sic non est causa futuri.

Nempe velut speculum, cui forte propinquior aditas,
 Consulturus idem: motus tibi corporis omnes;
 Objicit ante oculos; quin horum causa sit ulla:
 Hac ratione refert divina scientia nostros,
 Non modo praesentes actus, sed quosque futuros;
 Quin tamen ullius fons illa sit, & sit origo.

Parce queri: si forte peris, & te DEUS annis
 Aeternis vidit periturum; haud ipse ulla: at
 Sponte tua, culpaque peris: te non nisi culpa, &
 Sponte tua vidit periturum: vivere felix,
 Si malles; posses: potuisseque, posseque faustum
 Vivere, te novit, teque hac mente ille creavit.

At DEUS aeterno periturum si scit ab aevo;
 Num ne praescierit; prohibere in tempore possum?
 Ne dubita, poteris. Si crimina nulla patraris:
 Haud sciet aeternum periturum te DEUS unquam,
 Ob scelera interitum tantummodo praevidet ille.
 Ludis? ais: bellum mihi pro ratione sophisma
 Obtrudis? minime veru: sed serua, si qua
 Dici unquam possunt, simul & certissima dico.
 Quinam istuc porro? pergis: si praescit ab aevo
 Me delicturum; prohibere in tempore possum:
 Ne peccaturum scierit retro omnibus annis?
 An tu lethales, vitae hujus tempore, noxas
 Evitare nequis? poteris prohibere proinde,
 Ne delicturum DEUS ullo noverit aevo.

Quod

Quod nunquam fiet, nequit ille videre futurum.
 Non tu equidem prohibere potes, ne praesciat illud:
 Sponte quod admittes facinus, pro tempore vitae:
 (Hoc posito, falli divina scientia posset.)
 Sed, quod sponte patras; cum crimen omittere posses:
 Sique voles, ut velle potes, scelus omne cavres;
 Non id praenosset quondam DEUS esse futurum.

Æternis, sed enim divina scientia seclis;
 Meque, meosque omnes actus praecedit; an ergo
 Hocce, quod aeternum est, prohibere in tempore possim?

Tempore, non causa praevertit: & illud ab actu,
 Arbitrioque tuo pendet, prout usque probatum est:
 Quae quandoque voles; posses nolle: atque vicissim.
 Proin prohibere potes pro tempore: quod DEUS aevo
 Praevidet aeterno: licet id non feceris unquam.
 Nam quod res nunquam sit facta; futuraque nunquam:
 Ne fieri potuisse illam, quis colligat inde?

Nec te angat, quamam ratione, quod anteit; a te,
 Qui longe sequeris, prohiberi possit: id, ex hoc
 Exemplo disces, verumque fatebere Tute.

Nunquid, cum incedis per campum sole nitente
 A tergo atque retro, pergisque averfus ab illo;
 Corporis umbra tui, temet praecedat, oportet:
 Nec prohibere potes; ne sic praecedat euntem.
 Nonne tamen tibi res est integra prorsus, ut umbra,
 Huc te praecedat; quam te praevertat ut illuc,
 Anteat potius dextra, quam parte sinistra:
 Aut satius rectà, si rectà pergere malis.

Longius aut brevius: prout nempe incedere vultu
 Averso à Phoebi facie radiante, libebit.

Aut nulla, ad solem faciem si vertere malis.

Ergo sequens, praecedentem prohibere potest res;
 Haec quoties certo nexu dependet ab illa.

Hinc quia cum nostri, divina scientia nexa est
 Actibus arbitrii, ac pendet quodammodo ab istis;
 Si modo vellemus, prohiberi tempore posset:
 Scilicet aeternis ne nos praecederet annis:

Aut isthaec potius, quam nos praeverteret illa;

Æternum

Æternum quamvis non fit prohibenda per ævum.
 Nam quæ non fient unquam, neque facta fuere;
 Ne fieri posse, aut potuisse quis arguet apte?
 Quod supra monui, hicque iterum meminisse juvabit.
 Prout & quæ fiunt, aut quondam facta fuere;
 Quis cordatus homo potuisse negabit, omitti;
 Libera nimirum? quorum hæc natura, statufque est;
 Ut positis causis; non fit poni ipsa necesse.

Libertate etenim cum mens utatur; oportet:
 Ut licet auxiliis fit agendi prædita cunctis:
 His falsis, res moliri, vel omittere possit,
 Prout sibi collibitum fuerit. Quo libera causa
 Distat ab his; quæ præfidiis cunctis ad agendum
 Instructæ; nequaquam actum suspendere possunt.
 Sin secus; ergo actus liber, ne posset haberi:
 Cum DEUS æternùm prænoscat, oportet ut omnem:
 Cumque suos omnes, ætatibus omnibus ante
 Præscierit pariter; liber quoque non foret ullus.
 Sic male, qui spoliant nos libertate, necesse est;
 Hæc DEUM spolient; aut non nosse omnia, dicant.

Rddere felicem (pergit latrare scelestus:)

Me tamen ille meo posset tanto absque labore.
 Ecquid enim nequeat, rerum cui summa potestas?
 Sic magis illius bonitas immensa pateret.
 Optimus iste DEUS, tamen hac ratione beatum,
 Me minime reddit; sed mille subire pericla
 Me finit! Herculeos jubet exantlare labores!
 Meque per ambages (rectâ cum ducere posset)
 Ducit ad ancipitem tanto discrimine finem:
 Semper ut æternæ jacienda sit alea fortis!

Duceret at saltem minus arcto tramite, quam fit,
 Qui tot juratis est hostibus undique septus:
 In quo, tot mihi sunt metuenda pericla salutis;
 Quot passus facio: scelerum tot monstra nefanda:
 Bella tot: ac proni tot in orcum denique lapsus!
 Duceret aut demum, vel per magis ardua, quam sint;
 Hæc, quæ me cruciant; modo me præstaret ab illo
 Exitio tutum, cujus vel mentio summum

Incutit

Incutit horrorem, & tantum non enecat aegrum!
 Caetera, cum prorsus dubium, incertumque salutis,
 Tanta pericla velit, tantos superare labores,
 Divinum Numen: tot denique volvere casus,
 Non video: penitus nequeo comprehendere mente;
 Cum summa, quonam pacto haec, bonitate cohaerent?
 Estne tibi mens sana satis; qui talia garris?
 Estne infinitae quaedam reverentia mentis?
 Notio vel tenuis divini Numinis estne?
 Haecine pro sano te quis putet esse locutum?
 Quas vomis incesto sceleratas ore querelas;
 Non ratio, sed caecus amor: sed inertia, torpor:
 Sed furor & rabies, atque ipsa amentia dictant.
 Tunc DEO leges statuas, quibus augeat is te
 Donis? praescribas, quam ratione gubernet?
 Nunquid eo melior, nunquid sapientior illo es;
 Cui meus, consilium, bonitas. sapientia summa;
 Cui dotes omnes expertes limitis infunt;
 Quis sine nil statuit: contra quas nil agit unquam?
 Unde tibi tanta haec sapientia? num DEUS ulli
 Quid melius Ratione sua dedit? aut habet ullus
 Dotem ullam, quam non acceptam debeat illi;
 Quaeque DEO innumeris gradibus, non celsior infit?
 Afferisne altas rationes: perspicias omnes
 Fines & causas, adjunctaque singula: sensus,
 Consilia, & nutus: omnes nexusque, viasque;
 Magna gubernandi quibus ars comprehenditur illa;
 Qua suspensa suis ex partibus omnia Numen
 Continet, ac mundum, salva bonitate sua, atque
 Incolumi nostra, nos libertate gubernat?
 Non res te cruciant; de rebus opinio prava;
 Deque DEI summa sapientia, & ordine, caecum
 Judicium miserabiliter te vexat, & urit.
 Non tua conditio; de conditione, sinistra
 Mens mutanda tibi; ut cesses angique, querique.
 Quae sunt; fieri arbitrio ne polce tuomet:
 Sed fieri, ut fiunt divino Numine, malis;
 Sic tibi cuncta fluent ad votum: ita pace fruëris.

Te quereris non posse vias comprehendere ; queis te
 Deducit Numen, tot & inter tanta pericla ?
 Tene DEO ut credas, rationes antè, viasque
 Confilia ipsius, de te, pernoscere debes ?
 Vitam aeger medico credis ; satis esse peritum,
 Quem censes : ejus non perspicis attamen artem.
 Sitque licet praestans ; errori obnoxius una est.
 Infinitae autem Menti ; bonitate, potentia
 Immensa illustri, tua credere, teque recusas,
 Consiliisque ejus temere diffidere pergis ?

Non, haec mente tua, assequeris ? Mirumne sit ulli,
 Talpa oculis vastum, quod caligantibus aequor
 Metiri nequeat, sibi quae vix adfita cernit ?
 Nae tu huic es similis, cui cum doctissima praesto est
 Machina, structurae cujus non perspicit artem :
 Nec satis assequitur, quibus illa sit usibus apta :
 Aut quo pertineat pars ejus quaeque seorsum ;
 Doctum opus, artificemque manum condemnat inique :
 Cum simul ille suum ingenium rude prodit, hebesque.

Teque, DEUMque tuis incendere mitte querelis :
 Quas minus assequeris ; post, luce illustrius omni
 Perspices aequas causasque, viasque fuisse.
 Has liquido toti DEUS olim deteget Orbi.
 Interea fluxae dum vitae suppetit usus ;
 Omne quod acciderit, durum licet atque molestum ;
 Si prohibere tibi non est res integra : crede
 Finibus id, quos constituit sapientia summa,
 Privatisque tuis rationibus aptius esse,
 Queis studet aeternae te sorte beare salutis.

Te quereris non perspicere haec ? at perspicis istud :
 Infinita DEO ratio, bonitasque, quod infint :
 Justitia, & pietas ; clementia sine carentes :
 Virtutesque omnes exsortes limitis omnis,
 Queis sine nil unquam statuit, disponit, agitque.
 Quamlibet excelsis homo sit virtutibus auctus ;
 Cum tamen hae certis arcentur finibus omnes ;
 Ipsarum quandoque potest excedere metas.
 At DEUS, immensas nequit extra excurrere dotes :

Ergo

Ergo secundum istas, operetur cuncta, necesse est.
 Haec reputa, penitusque animo comprehendere cura.
 Haec in mente tua clavo desige trabali.
 Sic nodos omnes: ita cuncta sophismata solves;
 Quae male nexueras, & quae tibi suggerit orcus.
 Quin simili, quos comperies errore teneri;
 Non aegre vinctes: hortaberis, atque monebis:
 Hac una, ut pariter nodos, ratione secare,
 Hac tenebras, quae se offundunt, dispellere pergant.
 Ne cunctos nexus, ne vincula cuncta requirant;
 Quis devincta fluit series aequissima rerum:
 Devinxisse DEUM res, sine carente catena:
 Annulum in hac frustra primum, extremumque requiri.
 Fas homini non esse omnes percurrere ad unum;
 Resque, vicesque infinitas, quis volvitur orbis;
 Comprendi nostrae mentis brevitate nequire.
 Nexibus ex istis; quos cuique agnoscere pronum est;
 Atque, ex aeterni DEI imagine, colligi abunde;
 Cuncta revincta modis infinita indode dignis.
 Numinis atque adeo rationem, artemque regendi;
 Humanis haud pensandam rationibus esse:
 Scilicet immensum retro quae respicit aevum:
 Deincepsque aeternos, serie aeterna ordinat annos.
 Omniaque aeternae Mentis rationibus aptat.
 Te tua felicem vellet si reddere juxta
 Vota DEUS; bonitas illustrius ipsius (inquis)
 Se manifestaret: tibi tantum, credo: tuoque
 Judiciô caecô; non ordine numinis alto.
 Certe non aliis, qui de te talia vota
 Nequaquam faciunt: nec fat scio, num volet ullus.
 Ut tamen hic liquido tua se dementia prodât:
 Unumquemque suo pro jure, simillima vota
 Concepisse puta: tum, si non invidus ulli;
 Si probus esse voles: tua finge, alienaque cuncta
 Explevisse DEUM: Periit mirabilis ordo
 Humani generis, Respublica concidit omnis.
 Succeditque ingens chaos, & confusio mira.
 Privatis studiis siquidem, & rationibus, itur

In diversa ; ut jam pars nulla cohaereat ulli.

Pone DEUM tamen optata te conditione beare ,

Ordine servato , potuisse ; atquè amplius inde

Testandam ipsius bonitatem : fac fore ; ut inquis.

Ostensum sed enim luce est jam clarius antè :

Nulla lege DEUM bonitatem pandere mundo :

Aut aliam dotem quamcunque aperire teneri.

Omnes immensae sunt nempe in Numine dotes :

Infinita , pari est cum libertate , potestas.

Uno se plene felix DEUS , haud eget ullo.

Nil ulli debet : debent illi omnia cuncti.

Gaudeat immensa DEUS ut bonitate , necesse est :

Illam infinita cuiquam ratione , modoque

Testari haud debet , majoreque prodere sensu ,

Quam velit ad fines , sibi quos praefixerit ipse :

Fines : quos legit atque sacrat Sapientia summa ,

Et quibus immensum pretium designat & addit.

Caetera , quantumvis perfectio Numinis , omnis

Infinita sit , effectus tantummodo certis

Finibus arctatos , DEUS omnes edit ad unum.

Quippe creatarum rerum natura ; necesse est ;

Finibus arctetur : cum non virtute suamet

Extet ; at è nihilo divino munere furgat.

Divinarum igitur vera infinitio dotum ,

Non ex effectis ; quaequae DEUS edidit usque ,

At magis ex operandi ipsa ratione , modoque :

Omnia , quo peragit ; pensari , sineque debet.

Scilicet è nihilo , quod fecerit omnia , & illud

Infinitem intervallum , quod res jacet inter ;

Et nihilum rerum , nutu superaverit uno :

Dixerit , & dicto citius sint omnia facta.

Tum quod ad excelsum , quo nil sublimius usquam

Esse potest , referat finem ; se scilicet ipsum.

Quod demum in minimo DEUS haud obnoxius ulli ,

Liber in edendis effectibus unicus ipse

Existit : nec in his opera ullius indiget ulla.

En capita ! unde bonis , queis nos DEUS optimus auget ,

Quae male , parva tibi , quin & contempta videntur ;

Immen-

Immensum quoddam accedat pondusque, decusque.

Quid quereris, bona pauca tibi concessa; tuam, quae
 Naturam absolvunt; fortitus es omnia: si qua
 Caetera divinum Numen tibi forte negavit.
 Non sine fine alto, & summa ratione negavit,
 Naturae, ista, tuae minime perfectio poscit.
 Quem DEUS intendit fini, & tibi forsan obessent.
 Non profunt certe: tibi enim non illa negasset:
 Et possessa, tuam mentem satiare nequirent.
 Nec sane multum refert haec esse negata:
 Hoc ubi, quod rerum caput est, & summa bonorum;
 Est impertitum: mens immortalis; amando
 Scilicet, & cognoscendo DEO idonea, & apta.
 Finis hic immensum pretium statuitque, facitque
 Naturae, statuique tuo, tibi denique toti;
 Quisquis es, ac utcunque tibi miser esse videris,
 Ista non alia, DEUS ipse est, forte beatus.
 Semet ab aeternis, animo, complectitur, annis;
 Cognitione sui se distinet omne per aevum;
 Se se comprehendit, se diligit, omniaque in se.
 Aeternis huc consiliis collineat. Omne,
 Quod fecit; facit usque: & quod facturus in aevum est:
 Huc movet, huc confert: huc destinat, ordinat, aptat.
 Hac se forte beat: nos hac cupit esse beatos.

Tanto deinde bono quaqua ratione, viaque
 Te DEUS aeternum felicem reddere malit:
 Dummodo sincere velit (ac vult ille profecto;
 Promptaque subsidia huc, atque adjumenta ministrat:)
 Arripienda via est, ut ut ardua, & aspera: digna est
 Quamlibet immensis merces sudoribus ista.
 De summa bonitate DEI proin mitte querelas.
 Optimus iste DEUS: te vult sine fine beare:
 Non qua forte via, vecors ignavia vellet;
 Sed quam consilio, Sapientia summa paravit.
 Nec via, quae huc ducit, tam est horrida; quam tibi fingis.
 Sunt vepribusque, rosae, & sua sunt hic lilia spinis;
 Carpere quae liceat: quis se recreare viator
 Interdum valeat: pia nec solatia defunt,

Cuncta

Cuncta quibus relevare viae fastidia sit fas.
 Solamen quantum! mens ipsa est, conscia recti:
 Expers flagitii, virtutibus inclyta pulchris:
 Vita, omni multò potior dulcedine, cunctis
 Quam possis ex illecebris sperare caducis,
 Mitto voluptates, large quas fundit in istram
 Religio ter sancta viam. Te vincere namque
 Ipsiùs sanæ rationis lumine fixum est.
 Propterea sacris documenta è fontibus, usque
 Non hausi: fat enim ratio te sana revincet.

Denique quos metuis, medios, tutissimus inter
 Ire vates hostes, his robore major & armis,
 Te quibus instruxit Rex Summus ad omnia bella,
 Edocuitque: artes, quam arte eludere possis.
 Vel conjuratis hostes, si viribus instent;
 Vincere te nequeunt, nisi vinci sponte volentem,
 Cedentemque ultro: poteris tu vincere contra,
 Sincera si mente velis: victoria certa est.
 Non statuit DEUS ancipitem finem tibi, tute
 Ambigum dubiumque facis, fugiendo labores:
 Hunc certum statuit; vita ut potiare beata:
 Non tamen absque omni, focors ut inersque, labore
 Immenis potiare bonis: at strenuus arces
 In superas venias spoliis, palmisque decorus:
 Hinc ut nempe DEI, & major tua gloria surgat.
 Ingenuos DEUS Athletas; non mancipia optat.

Mortales iter innumeri trivere, teruntque,
 Cujus te tantum labor, atque molestia torquent.
 Vicerunt hostes, vincunt feliciter: & tu
 Vincere non possis? tanta mercede potiri
 Absque labore voles? Hui pondus inutile terrae!
 Quis ferat ignavum? certe non tutemet ipse,
 Quantumvis deses; famulum patereris inertem:
 Et torpescentem, pigrorum acerrimus osor;
 Semper agens, Auctor rerum, ac virtute suamet
 Cuncta movens; actusque (ita si fas dicere) purus,
 Te ferat? immo etiam cessanti præmia certa
 Destinet: aeternam, pro vita deside, vitam?

Sic bonitas, sic deinde magis Sapientia summa,
 Et reliquae dotes divini Numinis, orbi
 Hinc illucescant, si pergat nempe fovere
 Desidiam, mentesque velit torpescere inertes.
 Quin & torpori designet praemia tanta;
 Quanta est aeternae felix possessio vitae?

Parce queri de sorte tua, motosque tumultus
 Pravi animi feda: decumanos comprime fluctus.
 (Nam potes, & tantas movisti sponte procellas:)
 Ad sanamque redi mentem tantisper ab aestu.
 Quas fundis, similesque tui, quas fundere possunt
 De bonitate DEI, de conditione suamet
 Comperies fatuas, & iniquas esse querelas
 Fontibus ex illis, quos demonstravimus usque.

Quodsi illos adeas latices, Sanctissima Christi
 Religio tibi quos aperit; tum porro stupore
 Oppressus, scelus horresces, tactusque dolore
 Aeterna dignos poena execrabere questus.
 Hic, quibus, edisces, eruperit ille malorum
 Fontibus Oceanus; qui terrarum obruit orbem,
 Aërumnas infinitas, poenasque revolvens.
 Nempe ubi primus homo; de conditione beata,
 Qua donatus erat, donandaque tota fuisset
 Ejus posteritas: pomi lethalis ob esum
 Dejectus; ruit, & miser è felice repente,
 Omnem posteritatem in casum traxit eundem:
 Hocque suo lapsu se perdidit, atque nepotes;
 Mox velut objicibus ruptis, effusa malorum
 Colluvies, totum late se fudit in orbem.
 Et furere in genus humanum non desinit usque.
 Bella, fames, caedes, morbi, contagia, pestes:
 Et labor, atque dolor, luctusque & tristis egestas.
 Hisque malis pejor vitiorum exercitus omnis.
 Sed mihi propositum non est attingere fontes,
 E quibus hanc in rem deducere plurima fas est.
 At purganda prius mens est, erroribus, aegra.
 Eoatibus è sacris ita demum haurire licebit,
 Et sentire; DEUS qua nos bonitate gubernet.

Me tamen edoceas (alius jam mitior urget :)
 Cum summa, quonam pacto, bonitate cohaeret
 Justitiaque DEI, fors tam diversa proborum,
 Atque malorum hominum? video florere nocentes,
 Atque impune mori multos: adverteoque poenas
 Nonnullos etiam dare: miror, non dare cunctos.
 Adversisque premi justos observo frequentes:
 Fortuna quosdam laetor gaudere secunda,
 Moereo non omnes. Haec me vehementius angunt.
 Cur non quemque suo DEUS hîc habet ordine; punit
 Quosdam: aliquando reos: non punit semper, & omnes,
 Fortunatque probos aliquos, non prosperat omnes.

Quin vel in hac diversa justorum, atque reorum
 Sorte, gubernandi ratio divina refulget.

Vix adeo probus est, culpa procul ut sit ab omni:

Vix adeo malus; ut recti nihil egerit unquam.

Sic bonus est DEUS; ut minime patiatür abire

Recte factorum nulla mercede, vel umbram.

Justus; ut haud ullam noxam dimittat inultam.

Virtutum falsas, quibus hic quandoque nocentes

Effulgent, species; donisque, bonisque caducis

Munerat, & vanis persolvit praemia vana;

Æternis poenis ulturus crimina vera.

Hicque leves punit noxas plerumque proborum;

Praemia germanae virtuti aeterna reservat.

Adversis si forte probos exercent extra

Istorum culpam, virtutem hac perpolit arte:

Lydia eos, ea sunt; qua se probat aurea virtus.

Ignem aurum, virtus inimica forte nitescit.

Mitto, quod ipse DEUS tantum, justosque malosque;

Nemo autem nostrum certo internoscere possit.

Esse mali possunt, justos, quos esse putamus:

Esse probi; temere quos arbitramur iniquos.

Esse malisque probisque, DEUS communia dêinde

Vult bona fluxa: palam ut faciat, quam vilia sint haec:

Utpote quae minime dignis, non denegat: imo

Largius his confert etiam, ostendatque caducis,

Abjectisque bonis, quantum caelestia praestent.

Adde his, quod bona fortunae, quibus improbi abundant;
 Maxima consciscant ipsis incommoda. Quippe
 Corporis enervat vires malus usus eorum,
 Et tenebris animum, pravisque affectibus opplet,
 Diraque affiduè cor sollicitudine vexat :

Sic, ut opes quantum; tantum haec incommoda crescant.

Non igitur bona fortunae : bonus usus at horum
 (Qui tamen arduus est multo magis; ac sibi fingunt
 Mortales miseri) felicem reddere forte
 Tantisper possit : verum quid rarius isto ?

Sed mage felicem fore te nihilo minus inferis ;
 Si bona fortunae jungas virtutibus : at tu
 Experire tuo magno malo, ut ardua res est ;
 Virtutes solidas opibus conjungere magnis,
 Quantaque in his insint irritamenta malorum.

Hic demum nonnulla DEUS, non omnia punit
 Crimina. Nec minus hinc Ejus Sapiencia fulget.
 Si quotquot gravius peccant, minimeque laborant
 Hic lacrymis abolere nefas, plectantur in orbe :
 Credere pronum esset, nullas superesse luendas
 Post mortem poenas. Contra, si crimina nulla
 Hic DEUS afficeret poenis, occasio multis
 Praeberi posset dubitandi; sitne supremus
 Arbiter & judex, scelerumque accerrimus ultor.

Par quoque fluxorum ratio repetenda bonorum.
 Haec, si poscenti DEUS haud concederet ulli ;
 Ipsi illa potestatis non esse, videri
 Possent. Si, contra, rogitanti nulla negaret,
 Servitium facerent suspectum dona caduca.

Quippe DEO, hac una causa servire volemus :
 Nonque pios, ut vult servos, sed haberet avaros,
 Quid, quod servari mirabilis ordo nequiret,
 Quo, rudibus doctos : inopes locupletibus : & quo,
 Infirmos validis : magnos conjungere parvis :
 Verbo uno : ex variis membris coalescere corpus
 Humani generis voluit Sapiencia summa.

Certius haec tamen, & sexcenta simillima tela
 Eludes illis, quae te munivimus ante

Invictis armis. Breviter si nempe reponas :
 Infinita DEO bonitas, sapientiaque insunt :
 Quis cum semper agit, contra quas non facit unquam.
 Mens brevis, Æternæ non quit comprehendere sensa.
 Ut natura DEI, sic omnia consilia ejus
 Nostrum infinite debent excedere captum.
 Scilicet, hæc sanæ coustat sententiã menti :
 Infinita rei si sit natura ; necesse est,
 Ut cunctus modus illius sit limitis exers.
 Uno hoc momento, ratione potentius omni.
 Occludes querulas linguas, frangesque furorem
 Ni tamen hic rectae rationis sustulit usum :
 Ut jam vera DEI non constet imago furenti.





DIVINA SCIENTIA
& GRATIA.



UNA DEO simplex, aeterna, & limitis expers
Cognitio duntaxat inest, clarissima: falsi,
Erroris, dubiique omnis, caliginis omnis,
Conjecturae exfors omnis, certissima: nulli
Vel minimo vitio, vicibusque obnoxia nullis.
Omnibus omnino numeris perfecta: ope cujus,
Omnia divinae sunt perspectissima menti;
Quaequae sunt, & erunt, possentque existere quondam.
Nec valet ullum, ipsam, verumque, bonumque latere.

Omnia cognoscit DEUS, & vult simplici, & uno
Actu: sed plane vult & cognoscit, in hocque
Uno actu, atque individuo; perfectio, resque
Tota voluntatis divinae, & cognitionis
Est sita: quam ritu nostrarum cognitionum,
Atque voluntatum, nos multiplicare solemus:
Nostram cognoscendi imitantes atque volendi
Et formam, & seriem: qua nonnisi multa, per actus:
Qui sibi succedunt: cognoscere, velle valemus:
Nec volumus; nisi quod paulo cognovimus ante.

Caetera, quantumvis simplex sit, & unicus actus
Numinis aeternum decretum, cognitioque:
Aeternâ tamen aeternum nitique, regique;
Cognitione DEI decretum; constat aperte.
Quippe nihil temere statuit sapientia summa,

Ergo

Ergo ut decretum summe prudens sit, & aequum,
 Atque ut divini sit. Numinis indole dignum;
 Infinita DEI lucem illi fundat, oportet
 Cognitio: qua non solum quae existere possunt,
 Quaeque existant: sed adhaec, quae certa conditione
 Affecta exstarent (seu sint dein illa futura,
 Seu non sint unquam;) certo DEUS omnia novit.

Quamvis porro DEI decreto praeferat ista
 Cognitio lucem; non temporis antè vel uno
 Ille tamen puncto scit res; quam destinat ipsas:
 Sed, quo momento novit, definit eodem:
 Ac semel, atque simul definiit omnia plane.
 Arbitrii nutu DEUS orbem prorsus eodem
 Condere constituit; quo vult servare beatos.
 At quoniam innumeras, aspectu respicit uno
 Res simul: innumeras, nutu decernit eodem:
 Hac pro multiplici rerum ratione, modoque;
 Quo singillatim res nosse, & velle solemus:
 Unicum, in innumeros partimur Numinis actum.
 Quot res, tot decreta DEI, tot cognitiones
 Conspicimus: nostro pro captu, moreque nostro;
 Cognitionem aliquam decretis esse priorem,
 Posteriolem aliam; divitna in mente notamus.
 Nimirum quò decretum, quò cognitionem
 Divinam, nostra cum libertate queamus
 Conciliare, palamque rei concordia fiat.

Cognitionum igitur, decretorumque supremi
 Numinis, a nobis ratus hic assumitur ordo.
 Plenius ut liqueat, cum libertate creata;
 Quanam, divinus, ratione cohæreat actus.
 Aeternâ simplex in mente scientia primùm
 Ponitur: hac, quaecunque potest producere, novit.
 Mox ea, qua novit; factura quid esset in omni,
 Libera causa statu, seu conditione locata.
 Hac lucente DEUS nostros praedestinat actus,
 Decretumque facit: fiant ut tempore certo.
 Qua demum aeterno quaequae decrevit ab ævo,
 Facta suo cernit, faciendaque tempore fixo:

Cogni-

Cognitio haec audit: Divinae Visio Mentis,
 Inter decreta & divinas cognitiones,
 Haec statuta dum series, status hic dum sumitur ordo,
 Conciliandae ergo divinae cognitionis,
 Decretique DEI cum libertate creata;
 Systema, ad nostrum captum fabricatur, idoneum.
 Humanae mentis commentum hoc esse, fatendum est:
 Ast minime temere, sineque utilitate repertum.
 Hoc siquidem auxilio, mens nostra docetur abunde;
 Qua ratione, DEI praesensio, nescia falli:
 Ipsiusque potens, operosaque gratia plene
 Cum nostrae libertatis consentiat actu.

Stet proin, & maneat, seriem intercedere nullam
 Inter decreta, & divinas cognitiones:
 Haec simplex, individuus sunt Numinis actus.
 Nimirum DEUS ipse, in quo concretio nulla est,
 Nullum incrementum, pars, & mutatio nulla.
 Non in mente DEI, nostris in mentibus exstat,
 Totus is, ad nostrum captum, qui fingitur ordo.

Cardine ceu quodam, posito hoc systemate, surgit
 Inter doctores celeberrima quaestio; quaenam
 Decreto aeterno divina scientia lucem
 Afferat; in dandis nobis donisque, bonisque;
 Quis DEUS ad vitam vocat, inducitque beatam.

Caetera, simplicius citra systematis usum:
 Sic plane poterit proponi quaestio tota:
 An DEUS aeterno, certo praenoscat ab aevo
 Auxiliis instructa quibus? quos ederet actus
 Libera causa, etiam hos, quos non operabitur unquam?
 Idque citra decretum, in quo exploraverit illos?
 Quodsi exploratos habeat: si perspicit omnes:
 Quos, quibus auxiliis actus mens libera quaeque
 Elicitura foret; num si statuat dare dona;
 Cognitione usus rectique, malique suorum
 Donorum; in dandis ipsis, ceu luce regatur:
 Scilicet: ut faciat decretum Numine dignum,
 Vim tamen arbitrio nostro non inferat ullam?

Ad quod, pro captu solvendum rite, problema,
 Assu-

Affumenda, DEI est in mente, scientia primum
 Simplex, qua sese nitide cognoscit, & omnes
 Perspicue, quascunque potest res condere, novit.
 Novit cuncta suis thesauris abdita dona:

Quis; cujusque vigor; quae vis, praestantia doni?

Quid mens cuncta queat? qua polleat indole? Paucis
 Naturas rerum comprehendit funditus omnes.

Haec tamen, ut certo DEUS omnes praeferat actus,
 Quos, in quòque statu, mens libera quaeque pararet,

Cum non sufficiat; sumenda scientia pròinde

Est ea: quam celebres mediam dixerat Magistri.

Qua, veluti quadam face prae lucente, regatur:

Nempe salutes hominum dum destinat actus.

Qua liquido novit, quosnam mens quaeque, quibusve
 Subsidiis sibi submissis, produceret actus:

Quae, quibus auxiliis, virtutum exempla datura:

Quam, quibus adjunctis noxam admittura, scelusve.

Denique quid, quavis in conditione locata;

Sorte, statuque foret factura, bonique, malique.

Qua DEUS aeterno ceu sic edicat ab aevo:

Talibus adjunctis hominis si moverò mentem,

Instinctu tali; parebit sponte, libensque.

Adjunctis aliis: alio hoc, si concito motu

Hunc ipsum; certo dissentiet, atque resistet.

Nec dubium, quin haec sint perspectissima menti
 Divinae. Id suadent momenta gravissima. Quippe

Debet inesse DEO perfecta scientia: per quam,

Prospiciat, quales ferrent sua munera; fructus

Si qua volet, quandoque volet, quiscunque locare

Largitor Sapiens, quo non sapientior ullus.

Nimirum ne dispergat sua munera caecè.

Nec tamen ille usum doni, rectumve, malumve

Ipsa, nosse potest in muneris indole, certò.

Hac siquidem natura est praedita gratia quaeque;

Ut bene mens ipsa queat uti; aut possit abuti:

Possit ut admitti, possitque perinde repelli:

Effectum sortiri, istoque carere sit apta.

Ut DEUS in doni praefereret indole, certò

Actum

Actum hominis, devinctus is effret, oportet
 Infragili nexu, fixo cum muneris usu.
 Arbitrio porro salvo, sic gratia necti,
 Vincirique nequit, nostris cum actibus, ulla.
 Nexa salutari, per sese gratia, cum actu,
 Junctaque cum effectu per ineluctabile vinculum:
 Nostrae libertatis opes everteret omnes.
 Nullus in arbitrii manibus foret amplius usus:
 At quoquo ferret, quo gratia cunque vocaret:
 Huc foret arbitrio, fatali lege sequendum.
 Plena resistendi, parendi plena potestas;
 Auxilio valido quamvis: utcunque potenti;
 Debet inesse animo, qui libertate potitur.
 Ad libertatem salvandam bina necesse
 Haec adfint: sine quibus, nequit actus liber haberi.

Sed nec in ingenio nostro, nec in indole mentis,
 Arbitriique, potest DEUS usum noscere doni.
 Arbitrium siquidem mentis cujusque creatae,
 Ex se, naturaque sua versatile cum sit:
 Cumque sit ambiguum ingenium, variumque perinde,
 Pro variis vicibus, variè mutabile novit.
 Flexile in utrovis usus; pravosve, bonosve.

Arbitrii demum nostri, DEUS haud videt actus
 Aeterno in decreto; ex se, per seque revincto
 Cum recto, aut pravo caelestis pignoris usu.
 Quod quidam fingunt: quasi postquam simplice mentis
 Viderit intuitu DEUS omnia munera, quibus mens
 Adduci ad frugem possit (quin ante, priusque
 Exploret, quonam dono, factura quid esset?)
 Sic statuat: volo, ut, auxilio hoc si movero mentem,
 Talibus adjunctis; certò mihi pareat, atque
 Officium faciat, quod ineluctabile nostrum
 Decretum injunxit. Nec enim res integra menti est:
 Eventum edicti prohibere, cavereque talis:
 Utpote per sese; vi, naturaque suapte,
 Cum tali officio per inextuperabile vinculum,
 Ceu vero effectu, conjuncti, nomine causae.
 Libertatem adimi decretis talibus, est res

Clara magis; quam ut longa egeat ratione probari.
 Adde, quod in tali decreto nosse nequiret
 Crimina quæque DEUS: quin (vel meminisse quod horret
 Mens pia) factorum foret Author, fonsque malorum.

Ac proin arbitrii, DEUS omnes cernit ad unum
 Auxiliique usus, in sese; & in usibus ipsis:
 Quatenus est ipios esse, aut non esse futuros;
 Certis adjunctis, & conditione necesse.
 Scilicet: ut quamvis rem esse; aut non esse, necesse est:
 Hac ratione futuram, aut rem non esse futuram,
 Pro quocunque statu, seu conditione necesse est.
 Debet enim alterutrum verum e pugnantis esse.
 Nil etenim medium est inter pugnantia secum,
 Snt adstricta licet, seu conditione soluta.
 Porro DEUS, verum liquido ex se perspicit omne,
 Haudque eget objecta re, quæ determinet ipsum,
 Ad cognoscendum, sed perspicentia summa,
 Infinita velut penetrans lux omnia prorsus,
 Ipsius menti nitidè verum exhibet omne:
 Seu dein hoc spectet res quæ sunt, sive futuras:
 Seu nisi quæ certa essent conditione futuræ.

Quamvis porro DEUS certò præfagiat usus
 Cunctorum, queis nos poterit cumulare bonorum:
 Ad decernendam fortem tamen ille salutis
 Æternæ, pænæve perennis in igne luendæ;
 Nequaquam (voluit damnata quod hæresis olim)
 Cognitione usus rectique, malique movetur.
 Sin aliter, nostrum foret unumquemque necesse;
 Unà salvari, puniri que igne perenni.
 Nullus enim est; quem non, DEUS omni nôrit ab ævo;
 Auxiliis certis instructum rite, piæque
 Victurum; huncque aliis auctum donisque, bonisque;
 Prorsus abusurum, defunctorumque scelestè.

Cognitione proinde usus rectique, malique
 Donorum, regitur; temere ne munera donet:
 Ad donanda tamen, viso haud impellitur usu:
 Sed bonitate, & consiliis adducitur altis:
 Quæ nostrum (Divo Paulo præeunte fatendum est)
 Quod

Quod superent captum : nihil est tamen aequius illis.
 Gratuitum est igitur, sancta illustratio, donum.
 Quaeque animos, ad castra DEI, pia motio transfert :
 Quaeque bonam ad frugem, sceleratos quosque reducit :
 Quaeque probam vitam, constantia sancta, coronat :
 Gratuita haec, & pura DEI sunt munera cuncta.
 Una DEI bonitas, amor, & miseratio, dona haec
 Ipsius eliciunt divino à Numine, nulla
 Conciliare sibi potis est mens : nulla mereri.
 Pro bonitate sua, proque altis, & simul aequis
 Consiliis, quae fas homini comprehendere nulli:
 Ista haec saepe DEUS largitur munera, summis
 Flagitiis homini cooperto : praeterit hunc, qui,
 Quod minus est reus ; indignus manus esse videtur.
 Dans equidem huic etiam, sed quae miser ille repellit.

Denique principium fidei, vitaeque beatae,
 Spectatum quocumque modo, rationeque ; prorsus
 A nobis repeti nequit, ast à Numine tantum.
 Sic est : gratuitum est, divina vocatio, donum,
 Nulla ope naturae, studioque parabile nullo.
 Primus hic aeternae vitae annulus, atque salutis ;
 Apprendi nequit à nobis, nisi porrigat ipsum,
 Inferat inque manus miseratio Numinis ultro.

Omne bonum meritum caelestis gratia praestat :
 Qua sine nil potis est praestare humana voluntas.
 Hinc est : Sidereis quaecumque in sedibus olim
 Mortalis vitae merita, & benefacta rependes :
 Pura, coronabis tuamet DEUS optime dona !
 Ergo salutarem DEUS actum non videt ullum,
 Quem sine divino mens edere pignore posset :
 Marte suo veluti, naturaeque ipsius usu.
 Unde liquet, quantum divina scientia distet,
 Quam mediam vocitant, ab ea, male qua haerensis usa est.

Emicat hic ingens nostri systematis usus.
 Religionis enim caecos facili extricat arte
 Nodos, inque bono res lumine, collocat ardûas,
 Quae visae fuerant secum pugnare quibusdam.
 Imprimis quonam divina scientia pacto est

Conci-

Concilianda, docet, cum libertate creata.
 Efficiens dein gratia, qua ratione relinquit;
 Arbitrii plenum nostris in mentibus usum.
 Imperium demum divini Numinis, omnes
 In mentes hominum, summum demonstrat apertè.

Gratuitum quod sit caelestis gratia munus:
 Hoc è præcipuis nostris systematis unum
 Est caput, ut toties memini. Nunc bina videndum,
 Quàm rectè in nostrum systema hæc dogmata quadrent,
 Imperium in mentes summum DEUS obtinet omnes.
 Quantumcunque potens, operosaque gratia detur;
 Consentire potest, aut dissentire voluntas.
 Acceptare potest, poteritque repellere donum.
 Frontibus adversis planè hæc pugnare repones?

At quàm non pugnent; audi, victusque fatere.
 Plena resistendi, parendi plena potestas
 Caelesti auxilio, quantumvis mentibus inest:
 Nulla tamen de se potis est humana voluntas
 Frangere consilium divino à Numine captum,
 Decretoque DEI fixo intercedere nemo.
 Sponte fecuturam quaedam sua munera mentem
 Vidit, & aeternis isthaec dare sanxit ab annis?
 Sponte, sciensque, volensque, lubensque sequetur.
 Sic erit: ut vidit DEUS, & decrevit ab aevo.
 Mens fraudare nequit dona ipsius omnia, fructu.
 Nec proin ejusdem decretum reddere inane.
 Ne DEUS innumeras, quibus affluit, atque redundat
 Inter opes; habeat dona infinita, favores,
 Blandimenta, quibus pronam, atque ad utrumque paratam,
 Flexibilemque suâ naturâ, sponteque mentem,
 Si quando alliceret, certò praeoscicat eandem
 Sponte fecuturam, consensuramque vocanti.

Divinae immensum thesaurum nempe potentiae
 Exhaustire nequit varia, & mutabilis ex se
 Mens hominis: summæ aeternaeque resistere pròinde
 Illa voluntati nequit; esto, resistere possit
 Cuilibet auxilio, novitque resistere cuivis

Ipsam

Ipsam posse DEUS : tamen unà novit eandem
Planè infinitis, pro mobilitate suamet :

Si dentur, morem gesturam sponte, libenter.

Si proin è donis istis impertiat unum ;

Quois rectè usuram mentem prævidit ab ævo,

(Et quisnam prohibere queat, ne impertiat ullum ?)

Tali impertito, tam certum est, munere, mentem

Usuram rectè : sicut certissima res est :

Quod nequeat prorsus divina scientia falli.

En haud dissectum nodum ; sed rite solutum,

En ùt in humanas mentes summum eminet, atque

Emicat imperium divini Numinis ! ùtque

Arbitrii nostri splendet liberrimus usus !

En tibi conciliata probè, certissima cunctis

Dogmata Romanae Fidei cultoribus ; ecce

Denudata, bonoque in lumine rite locata

Quatuor augustae capita, & mysteria Legis ;

Quorum diffidium te fors exercuit usque !

Gratuitum donum est caelestis gratia, qua mens

E nocte errorum lucem commigrat in almam ;

Nulla ope naturae, nullaque parabilis arte,

Quantumcunque potens, utcunque operosa fit ; illi

Consentire potest ; aut dissentire voluntas,

Nec tamen absque ipsa quiddam caeleste mereri.

Imperium in mentes summum DEUS obtinet, omnes.

Rectius ista modò vix conciliaveris ullo.

At verò pronò nostri systematis usu,

Tutemet haud aegrè nullo praeceunte Magistro ;

Magno operae pretio problemata mille resolves ;

Quaeque hostes fidei proponunt, quaeque fideles.

Hinc quoque conjicies cursus, causaeque viarum

Tam diversarum, quibus ad probitatis amorem

Mortales aegros ducit sapientia summa.

Cur DEUS hos veluti leni, blandoque fufurro

Ducat ad officium vitae probioris, at illos

Horribili ceu percussos tonitru, atque fragore

Avocet à vitis ? istos dulcedine mira

Alliciat celsae virtutis ad ardua facta ?

Hos

Hos ut ab illecebris revocet, rebusque caducis,
 Felle voluptates & lubrica gaudia miscet?
 Erigat eventis laetis hos, tristibus illos?
 Incusso hos moveat poenae terrore perennis:
 Caelestis certa Regni spe pertrahat istos?
 Hoc nempe afflatu, adjunctis his excitat omnem,
 Quo quemque, atque quibus praefagiit ante movendum,
 Sic modò blanditiis, modò sic terroribùs instat:
 Ut quibus est aptum, quo statum sponte sequantur
 Dulce susurrantis Zephyri, cursumque secundum
 Virtutum teneant: subito vel turbine coeli
 Attoniti; in scelerum cessent properare profundum,
 Inque viam redeant rectam, portumque salutis.

Sic tamen allecat, sic territat, incitat, urget:
 Ut terrore, minis, blandimentisque; nec ullo
 Instinctu, afflatu: caelesti pignore nullo:
 Queis trahit ad frugem, vim mentibus inferat ullam.
 Semper ut arbitrio constet sua plena potestas,
 Donum admittendi (quaqua vi polleat istud)
 Atque recusandi: fuerit prout cuique libido.

Sic quoque nil haerens problemata caetera solves.
 Te nihil ambages, technae nihil, atque cavilli:
 Nilque morabuntur speciosa sophismata mille:
 Mille artes, quibus assumpti systematis hostes
 Invidiam conflare illi cupiuntque, studentque.
 Ipsiusque jubar nequicquam obnubere certant,
 Errorum tenebras, male quas offundere pergunt:
 Et quaecunque animo minus aequo nubila cogunt,
 Discuties radiis, quibus hoc systema coruscant.

Unus erit nodus, quem nemo solverit unquam,
 Nec solvit Paulus, quantumvis Numine plenus,
 Quin graviter monuit, ne quisquam solvere tentet.
 Cur DEUS è tenebris mortales transferat unos,
 In lucem sanctae fidei; non transferat omnes?
 Cur istos potius, non verbò illuminet illos?
 Cur quoque de multis Christi jam signa secutis,
 Qui tamen in barathrum vitiorum sponte ruerunt,
 Alius immersos, prae non haerentibus altè.

Quando-

Quandoque eripiat casusque, vicisque misertus
 Illorum potius, minimè miserescit at horum?

Indigni sanè: quiqui deliquimus unquam,
 Divinâ veniâ sumus omnes, atque favore,
 Cur tamen indignos magis, ob delicta subinde
 Et plura, & graviora DEUS dignetur amore, ac
 Sic vocet ad veniam; vocitantem ut sponte sequantur
 Præ minus indignis? indignis re tamen ipsa:
 Quaerere quis? litemque DEO intentare quis aufit?

Gratutum est munus: debetur gratia nulli.
 Indigno, cum non defertur, jure negatur.
 Si magis indigno fiat quandoque: reluctet
 Hinc munusque, favorque & munificentia dantis:
 At minus indignus jus non adipiscitur ullum:
 Ut simili pariter dignetur & ipse favore,
 Nec proin jure potest, secum, queri iniquius actum.


Ac nisi per summum scelus infimulaverit ullus:
 Cuncta DEUM aeternae sibi dona negâsse salutis:
 Quandoquidem ad caelum cursus patet omnibus idem:
 Posteaquam nostram sortem miseratus acerbam;
 Filius aeterni Patris se fudit in artus
 Humanos, clausique viam patefecit olympi:
 Isque dat aeternae cunctis sacra pignora vitae:
 Haecque exposcendi donum non denegat ulli.
 Gratia namque DEUM orandi, lumenque precandi;
 Cujus ope è tenebris errorum emergere possint:
 Omnibus offertur caecis mortalibus ultro:
 Hanc modo prensarent, ipsaque salubriter uti
 Vellent: sed malunt vitio culpaque suamet
 Ire magis, ducunt quo lubrica gaudia mundi,
 Quoque trahit miseros probitati inimica Voluptas.

Id genus, imo DEUS largitur dona quibusdam;
 In scelerum caeno, qui sese sponte volutant:
 Quae si spectetur dos & praestantia doni:
 Ipsaque, qua munus pollet natura, vigorque:
 Si spectetur item donorum copia, multis
 Partibus exsuperant ea pignora, donaque coeli,
 Quis alii lucrum faciunt, fructumque salutis.


Hæc

Haec isti tamen abjiciunt, & foenore fraudant.
 Qui proin exitii sunt causa, caputque fuimet,
 Per scelus ergo queri de Numine nonnisi possunt.
 At nihil infandam juvat hos renovare querelam.
 Insano nequeunt questu, rabieque, nec ullis;
 Justitiae summae jubar obscurare tenebris.

Abdita nos decreta DEI; sed sancta, sed aequa:
 Ipso ab Justitiae fonte, atque Authore profecta;
 Obsequio prono, prono veneremur honore:
 Et cum Vate sacro concordi voce canamus:
 Justus es alme DEUS! rectissima sunt tua facta!
 Quippe è consilio summae, facis omnia, Mentis.



V I R T U S.



UNA probos homines virtus facit, unaque Sanctos :
Una immortalī celebrari nomine dignos.

Ad summum dux una bonum, vitamque beatam.

Ergo notas, & signa probe nosse ejus oportet :

Ne miser ipsius ludaris imagine vana :

Neu pro re speciem captēs probitatis inanem.

Est virtus : habitus multo generatus ab usu ;

Inclinans hominis mentem ; constanter ut isthaec

Et facile, assuetos erumpere pergat in actus ;

In quibus effulget ratio justī, atque decori ;

Veraque nobilitas operis, resplendet honestas.

Unum hoc quippe bonum est, finis virtutibus aptus,

Concilians operi pondus, pretiumque, decusque.

Caetera, virtutis sunt dissentanea fini.

Quam proin ne vitient, cura solerte cavendum.

Dotibus eximiis virtus sincera coruscet.

Nec tamen has cunctis est internoscere promptum.

Passim etenim vitium sese virtutis amictu

Induit, & mirum decus ementitur honesti,

Atque inconsultos oculos haec fascinat arte.

Si tamen ad radios, quibus emicat aurea virtus,

Advertas animum ; discrimen grande notabis :

A spurio quantum virtutis lumine, verus

Germanae distet splendor probitatis, honorque.

Aut cunctis virtus perfecta est partibus : aut est

Nondum expleta suis numeris ; rudis & velut infans.

Aut demum species tantum virtutis, & umbra.

Indiciis tibi quaeque suis, se prodet aperte.

Appa-

Apparere cupit tantum, tantumque videri,
 Et splendere studet simulacrum, & inanis imago,
 Larvaque virtutis; ne tantillum esse laborat:
 Quippe salutari probitatis sine relicto;
 Vela facit, famae quo se levis incitat aura.
 Tota in eo, ut niteat: tota ut videatur, ametur:
 Laudibus ornetur, vulgi volitetque per ora.
 Reque licet penitus nil sit; tamen esse putetur.
 Nec secus, atque foret numeris perfecta, colatur.
 Sin minus his potiatur: in hoc, labor illius omnis;
 Ut specie officii, quam plurima commoda captet.
 Quodsi operam perdi videat, pretiumque perire:
 Si nullo plausu, nullo celebretur honore:
 Nullaque proveniant e turpi, commoda, quaestu;
 Cessat ab officiis, & munia sicca relinquit:
 Perque nefas queritur; quae sunt sibi jure negata.
 Exiit inde vasram, qua se insinuare studebat
 Larvam: fitque palam, vitii quam turpe latebat
 Sub specie, & vana virtutis imagine monstrum.

Esse quidem, minus esse tamen: splendere, videri;
 Plus aequo tendit virtus rudis, atque tenella:
 Quo minor; hoc major, vehementius ardet haberi,
 Seque probare studet cunctis, gaudetque probari.
 Quod si forte minus pateatve, minusve probetur;
 His indignatur, qui non mirantur, amantve:
 Nonque probant sese: nullo dignantur honore.
 Si demum neglecta diu: si ingloria persistet:
 Nullaque linguentem popularis sublevet aura;
 Mœret inops, aut torpet iners; vel frigida cessat.
 Et cadit imbellis, duris exercita rebus,
 Satque levi adversae flatu prosternitur aurae.

Altius assurgens, at nondum maxima virtus:
 Haud equidem plausus: minime praeconia, captat;
 Ista tamen delata sibi, non usque recusat:
 Aut minus haec refugit; quam probra, saesque protervos.
 Adversis vicibus non frangitur icta; sed ictus
 Evitare studet: Si non queat; optat, & ardet,
 Inque sinu gaudet, pugnis defuncta molestis.

Ad summum virtus perducta, laborat id unum ;
 Omnibus ut numeris, expletaque partibus ut sit.
 Nec tamen expletam penitus, se iudicet unquam.
 Sed quo major adest; hoc se putat esse minorem.
 Haud ea, praeclare quae gessit, spectat: agenda
 Cogitat, ad leges prohibitatis ut exigat omnes.
 Semper ut occipiens, accingitur ad nova bella:
 Adque novas pugnas, ad atrocia praelia, gnara
 Mortalem vitam campum certaminis esse:
 Militiae cursum: non pacis, nonve triumpho.
 Ex successu operis, pretium non aestimat actus.
 Dum bene res cessit, se non circumspicit intus:
 Cum cecidit secus, ac studuit; non concidit: una
 Quippe operis mensura illi est, divina voluntas,
 Quae pretium, pondusque eventibus omnibus addit.

Non cupit agnosci: desiderat imo latere,
 Digna licet plausu, quamvis dignissima laude:
 Re tamen in factis: non fama, aut laude movetur.
 Nec se magnificis verbis, at comprobat usu.
 Uno teste DEO plene contenta, sibi que
 Conscia, non captat plausus; timet imo fugitque,
 Seque tegit latebris, ut sit secreta pericli.
 Nec latuisse fat est: credi vult prorsus abesse,
 Tatius ut lateat: contemni gaudet, avertitque.

Sed juvat eximias ex ordine promere dotes
 Virtutis solidae (bonus adjuvat ordo Magistros,
 Et liquidam lucem rebus, quas discimus, adfert)
 Est rationali naturae consona virtus:
 Hinc in ea (quod ceu rem certam assumpsimus ante)
 Et modus & ratio, splendet oportet honesti.
 Divelli pariter nequit a virtute decorum:
 Hoc decus, hoc operi pretium definit, & adfert.
 Si ratio in facto: studium si desit honesti;
 Non virtutis opus, verum simulatio vana est.
 Nobilitas animi, est virtus: virtutis, honestas.
 Ipsa medulla velut, minime tamen esse putanda est,
 Ipseque virtutis flos, qualis qualis honestas.
 Ut numeris perfecta suis, micet incluta virtus;

Praeter

Praeter confusam speciem generalis honesti ;
 Omnis honestatis fontem respectet , oportet.
 Ex quo nempe fluit pretium omne , omnisque venustas :
 Vita , vigor , splendor , decus & perfectio rerum.
 Ingenti attonitus gestorum mole tuorum ;
 Quantumvis strepat , & totus circumsonet orbis ,
 Prodigijsque licet summis , tua facta coaequet :
 Haec tamen acta DEI si non sunt unius ergo :
 Aut omni sine respectu sunt Numinis acta :
 Sunt ludus , nugaeque merae , mera somnia , & umbrae .

Princeps virtutis dos est , ut amore calescat
 Numinis : hac flammá crescat , foveatur , alatur :
 Hac maturescat , vitiumque hac decoquat omne .
 Ex hoc igne trahat jubar admirabile , fundat .
 Virtutis solidae , nempe est divinus hic ignis :
 Semen , vita , parens , anima , & perfectio tota .
 Igne hoc cocta diu postquam est , penitusque recocta ;
 Nil mortale sapit virtus perfecta , sed unum
 Numinis unius suspirat , anhelat amorem .
 Hoc viget , hoc fervet , flagrat : hoc incenditur aestu :
 Hoc opus omne suum perpurgat , & expolit igne .
 Quidquid agit , patitur , loquitur , vult : quidquid omittit ;
 Istud habet primum : primum studet , atque laborat :
 Ut super omne bonum , princeps fons ipse bonorum ;
 Posthabita cuncta mercede colatur , ametur .

Una placere DEO , cura est illi : labor unus :
 Hoc unum studium : votorum haec summa scopusque .
 Non , quod amare DEUM citra pretium omne , lucrumque
 Grande bonum , ac meritum sit , & illustrissima virtus :
 Sed tanto , talique DEUS , quia dignus amore .
 Nec placuisse DEO , causa hac , tantummodo quaerit ;
 Quod sua prosperitas , sua fors sit summa placere :
 At quia cara DEO , res : debita , grata , placensque est ;
 Ipsi ut sit amor potior virtutis alumno ;
 Quam bona fluxa , quibus fallax nos fascinat Orbis ,
 Aeternaque prior mercede , sit illius una
 Infinitorum decorum infinitio : digna
 Omnibus officiis , omni dignissima cultu :

Digna

Digna infinito, par excellentia, amore :
 Digna sua causa, pretio, lucroque remoto.

Ipfa quoque aeternae liquidissima gaudia vitae :
 Quae DEUS in caelo virtuti destinat altae,
 Hac magis parte cupit, quod in his divina voluntas
 Effulget, campusque aperit se immensus amandi
 Candidius sine nube DEUM, citra omne periculum ;
 Quam sua quod fonte hoc, fluat infinita voluptas.
 Sic ab amore sui: fumi, & caliginis ortae ;
 Nil habet admixtum consummatissima virtus :
 Nil alienum ab amore DEI, mortale sit ; aut sit
 Immortale licet ; quod non DEUS ipse sit unus.

Nempe DEI bonitas virtuti est meta, scopulusque,
 Et centrum, & princeps finis ; qui colligit omnes
 Ipsi affectus: ad se rapit omnia vota :
 Extinguitque sitim, sedatque cupidinis aestum
 Immensum, quo corda uri sentimus, agique
 Motibus assiduis per fluxa bona, atque caduca,
 Citra spem solidae dulcedinis, atque quietis ;
 Donec in immensae bonitatis amore quiescant,
 Inque DEUM sese plene, & sua cuncta refundant.

Quam, timor aeternae poenae urget, quamve beatae
 Spes vitae parit, atque animat ; plebeja, rudisque,
 Haud sat digna DEO, non est heroica virtus.
 Non velut aeterna poena, & mercede juvari
 Haud egeat virtus, quoad est mens corpore vincita :
 Aut quasi res mala sit ; spe sive timore moveri
 Ad pia nonnunquam virtutis munera : res est,
 Est bona res, fateor ; DEUS imo speique, metusque
 Id genus, est auctor: vitae spem quippe beatae
 Omnibus injunxit: poenas horrere perennes :
 Si tamen hic fistas, nec Numen amare labores
 Posthabito vitae fructu, & mercede beatae,
 Supplicisque metu ; virtus ea maxima non est.
 Utpote quam lucri ratio perpellit: agit ; quod
 Optima sit sua fors: non quod DEUS optimus in se,

Semotoque lucro, parte infinitus ab omni:
 Ac proin immenso, propter se, dignus amore.
 Jam quid amare aliquem, est: nisi summis velle beatum
 Esse bonis; quamvis in te nihil inde redundet?
 Nil fecisse suo lucro, si dixerò quemquam:
 Communis fecisse boni causa omnia; nonne
 Verior haec erit, & potior laudatio; quam si:
 Quemquam alium, fecisse sua causa omnia, dicam?
 Ac tanto potior; quanto unum vincere tota,
 Privatum potis est Respublica maxima civem.
 Ast egisse, tibi si quemquam ostendero, multa
 Numinis unius, quae ductus amore peregit:
 Nonne hoc, hujus erit maior laus, laude prioris;
 Quo magis res omnes mens praestantissima vincit,
 Quam superet civem, Respublica quaelibet unum.
 Nimirum tanto virtus illustrior exstat,
 Quanto majoris bonitatis amore patrata est.

Alta voluptatem virtus non expetit ullam.
 Nec solum nullam captat, sed praeterit omnem.
 Haud satagens, nec avara lucri: non quaeritat ulla
 Commoda. Solicite curat quin imo cavetque:
 Nequa suam vitiet decus admirabile pestis,
 Pro DEI amore lubens vitam profundere malit:
 Ut vero magnum pariat sibi nomen in orbe,
 Seque voluptatis fluxae dulcedine pascat:
 Ne digitum curvare velit, neu mittere vocem.
 Gratuita usque adeo est; non mercenaria virtus.

Fallax officii species, & inanis imago est;
 Ad quod praestandum mentem movet una voluptas;
 Aut ulla utilitas, aut lucrum, vel fuga poenae:
 Haec animo intendens, quantumvis splendida praestet
 Officia in speciem; virtutis adulterat aurum.
 Omnibus ut numeris probitas perfecta fit: ut sit;
 Digna DEO, nulla mercede colatur, oportet.
 Hoc genus immensae Bonitati est debita virtus;
 Quae nos immeritos nullo lucro amavit, amatque.

Denique: ut a puncto ad quinctum duci unica tantum
 Linea recta potest: curvas producere contra

Fas infinitas : sic una brevissima solum,
 Est via ; supremum, quae nos sine flexibus ullis,
 Virtutum ad culmen, tuto perducere possit.
 Nempe relegatis rationibus omnibus ; una,
 Nuda DEO, cunctis in rebus, cura placendi
 Consiliisque ejus parendi fixa voluntas.
 Hoc iter est : haec est rectissima semita : de qua,
 Innumeri nos errores deducere pergunt :
 Divinae quoties, nudo bonitatis amore
 Contenti minime : nos, nostraque quaerimus ultra.

Praeterea virtus, ut sit submissa, necesse est :
 Sive humilis : verum nequaquam abjecta (quod olim
 Scriptores veteres, hac voce, notare solebant :)
 Atque humilis, quae despiciat ; quod suspicit, ardet :
 Quod prensat, quod concelebrat, quod deperit orbis :
 Atque quod aeternum non est ; nil autemet esse :
 Contemptuque sui similis : quae nec sua, nec se
 Magnificet : magni fieri non expetat : alit se,
 Quo magis excellit ; magis infra deprimat omnes.
 Non secus atque cedrus, quo celsior exit in auras ;
 Hoc magis telluri radices inferit imas.
 Aut augusta domus, quo se magis tollit in altum ;
 Altius in terra, sua fundamenta recondit.
 Ut gravius quodque est ; spatium constantius imum.
 Corpus amat : levius, quoquo rapit impetus aerae.
 Ut magis quaeque suis onerata est foetibus arbor ;
 Amplius inclinat ramos, tenditque deorsum :
 Optatis vacuos pomis, extollit in auras.
 Sic, quanto meritis virtus potioribus aucta est,
 Tanto, se cunctis submittere, pronius ardet.

Hoc maturam inter virtutem, interque tenellam,
 Ac fictam distat (prout observavimus ante :)
 Quod tenera, esse parum : multum apparere laboret :
 Nil penitus ficta esse ; studet splendescere tantum.
 Esse cupit, solumque studet matura : videri
 Non avertet ; imo cavet : studet ut videatur abesse.
 Non ignara suum siquidem pretium omne, decusque :
 Deberi superis ; superis ex aere refundit.

Quid-

Quidquid habet meriti : quidquid splendoris , honoris :
 Unde fluunt , huc cuncta refert , fontemque coronat .
 Neve ream furti faciat se , neve rapinae :
 Usurpando sibi , quae gloria Numinis una est ;
 Nativa nihili sese demergit in umbra .
 Haec domus , haec sedes illi : haec habitatio fixa .
 Isthic illa sui , se cognitione DEIque
 Distinet assidue , perfusaque lumine mentem :
 Hinc immensorum decorum splendore stupefcens ,
 Quem DEUS effundit ; succensa liquefcit amore :
 Inde suae fortis rigido percussa pavore ;
 In nihili sese demergit humillima fundum :
 Omnis terrarum non hinc illam exciet orbis .
 Plausibus usque licet strepat , & crepet undique laudes .
 Gnara sui , strepitum popularis respuit aurae :
 Et surda invisos sibi , praeterit aure susurros .

Acrius invitae praeconia si ingerat orbis :
 Munde ! quid incastum decoras nos laudibus ? inquit .
 Siquid inest decoris : siquid respundet honoris ;
 Haud nostrum jubar est : aliena luce nitemus !
 Quod fumus : auspiciis nostris , molimine nostro
 Non fumus ! unius divini Numinis est haec
 Gloria ! Flagitium est nobis adscribere quidquam !
 Ipse usus bonus , & meritum ; quae laudibus effers :
 (Si meritum tamen est : hoc , qui non fallitur unquam
 Iudice) non nostrum decus est : ea gloria tota
 Illius est pariter , cujus sunt omnia . Nostrum est :
 Duntaxat nihilum , defectio , noster abusus :
 In vitia , & cunctas praeceps propensio noxas .
 En tibi nostrorum seriem , summamque bonorum !
 His qui plura student nobis adscribere ; fallunt
 Non modo nos miserè ; pariter falluntur & ipsi .
 Sic agit ex animo : sic sentit humillima virtus ,
 Atque fugit laudes mage , quam ludibria quaeque ,
 Contempnumque sui vitare superbia tendat .

Nec solum illecebris laudum non pascitur ullis :
 Despectus , jugisque sui contemptio , probra :
 Et per grande nefas , in se convicia fusa ;

Sunt

Sunt in amore illi prae laudibus omnibus, atque
 Plausibus: ista cupit, votisque ardentibus optat.
 Sic tamen opprobriis onerari gestit, amatque:
 Ut vitio, culpaque sua non praebeat ansam.
 His magis oblectat sese, mage gaudet, ovatque;
 Quam rudis, aut fallax virtus excepta secundo
 Murmure, se jactet, fama que triumphet inani.
 Scilicet ut tanto respondeat amplius illi,
 Virtutum speculo, quo non perfectius ullum:
 Induto corpus mortale Hominique DEO que:
 Cujus in opprobriis, contemptibus, atque dolore,
 Et cruce perpetua (nostrae, quae cuncta, salutis
 Causa sustinuit:) decus immortale refulsit,
 Virtutumque jubar divino Numine dignum.
 Nil fuit eximiis praestantius ipsius actis:
 Ac ne mente quidem cuiquam depingere fas est:
 Virtutum speciem, speculumque illustrius ullum:
 Quis tamen opprobriis gravioribus obrutus unquam est:
 Atque hic virtutum Rex, & sanctissima norma?
 Nec tamen idcirco probitatis desit ardua
 Munia obire lubens, quin haud ex omnibus unus
 Ambitiosus homo; tanto ilagravit honoris,
 Et famae studio: quanto ille ardebat amore
 Contemptus, paupertatis, iugisque doloris.
 His tribus ille notis, passim vitaeque, necique
 Impressis, super astra suae probitatis honorem
 Extulit, & summae, consummataeque reliquit
 Virtutis specimen nobis mortalibus aegris.

Non assurrexit probitas hucusque Sophorum,
 Magnificis, orbi quam commendare studebant
 Verbis, & scriptis. Celebris Respublica, summo
 Quam Plato adumbrasti studio; vestigia tantae
 Nequaquam probitatis habet: vix imo vel umbram.
 Huc celebratorum non pervenere virorum
 Incluta facta licet; quae tollit ad astra vetustas.
 Virtutem sane illi, se coluisse ferebant:
 Non coluere tamen; quoniam coluere superbam.
 Calcabant factum; sed ut exprobravit acutè

Quidam

Quidam uni ex istis : animi majore tumore.
 Talem & nostrorum (veterum germana propago :)
 Turba (*) Sophistarum virtutem vendidat orbi :
 Quae cum magnificis naturae juribus adfert
 Grande supercilium , follique simillima turget :
 Nomina pulchra crepans naturae juris & aequi :
 Officii triplex genus : erga Numen , & erga
 Nos ipsos , aliosque , quibuscum vivimus una :
 Nec tamen ad nomen vitâ respondet & actis.
 Haecce frequens hodie praebet se larva videndam.

Laudatis supra , sed enim munita sigillis,
 Atque notis Christi insignis , perrara vel inter
 Christicolos hodie est : rarissima ; humillima virtus.
 Hanc pauci colimus ; vix ulli paene modestam.
 Justitiam colit hic : est fervantissimus aequi ,
 Excubat illius momenta ad singula : cautus
 Nequa , suâ culpâ , cuicumque injuria fiat.
 Idem omnes partes integri Judicis implet.
 Nil precibus tribuit , donisve , minisve , favori.
 Liber ab invidia , lucrique libidine liber ,
 Ira , odio , atque metu , vacuusque affectibus illis ;
 Justitiae quicumque bonum corrumpere fuerunt.
 Haud unquam latum quondam deflectit ab aequo.
 Hic tamen ut Judex habeatur ab omnibus aequus :
 Ut ceu justitiae speculum noscatur , ametur
 Percupit , & justus cum sit ; vult justus haberi ;
 Siquae aliquo fato : merito fraudetur honore :
 Aut injustitiae macula aspergatur inique ;
 Tabescit luctu : queritur , fremit & flagrat ira.
 Hujus justitiae quid desit , nosse requiris :
 Multum nempe deest ; licet una modestia desit.
 Namque basis virtutis abest , praesensque ruinae
 Ac damni discrimen adest : colit iste superbam
 Justitiam : moles sine sacro educta vacillat ;

Et

(*) *Ambitioso Philosophorum nomine se insigniunt hodie : vulgus Deistas appellat , veri & meri Sophistae.*

Et ruet omnino, nisi fundamenta locentur.
 Iustitiam quicumque basi stabilivit in aequa;
 Iustitiae minime cumulari laudibus optat:
 Quam tribuit cunctis, prout unusquisque meretur,
 Aequo fert animo, sibi si laus iusta negetur.
 Imo suam citra culpam dici optat iniquus.

Est alius pius in Superos, pius inque Parentes:
 Et pariter pius in patriam, cunctosque propinquos.
 Laudat, amatque DEUM: meritas perfolvit, habetque
 Pro meritis grates: divini munia cultus
 Cura exquisita peragit. Non negligit ullum
 Officium in patriam, & consanguinitate propinquos.
 Hic tamen ut pius est; pietatis nomine gestit
 Laudari, si haud laudetur, minimeque putetur
 Esse pius: moeret, squalet, dolet, uritur aeger.
 Nutat & haec pietas, fundamine nuda, basique.
 Qui solide pius est: solide pius esse laborat,
 Sermones hominum de se, nihil ille moratur.
 Nec modo non prensat pietatis nomine famam;
 Sed minus esse pius dici cupit, atque videri.
 Celsa sit ut virtus; humilis simul ut sit: oportet.

Ipse caducarum pia despicientia rerum,
 Contemptusque sui; quo se quis subdere cunctis
 Pergit amore DEI vilissima munia captans;
 Fundamento humili superimponatur, oportet,
 Quaerat ut esse humilis: talis non quaerat haberi.
 Scilicet ingentem molem virtutis ad astra
 Educit Divinus amor, demissio fulcit.
 Hoc super infragili fundoque, basique locata;
 Firma stat adversus ventos, saevaque procellas
 Infestae fortunae omni feritate prementis:
 Adversusque omnes, virtus immobilis, ictus.
 Intentata sibi, quibus attonat orbis, & orcus
 Fulmina contemnit, quin imperterrita ridet;
 Indemnis, similisque sui, secura ruinae.

Finibus haud arctis se continet aurea virtus:
 Ad spatium omne loci; spatiumque ad temporis omne
 Extendit sese: Personas respicit omnes:

Officium-

Officiumque facit, quoties venit istius usus.
 Futilis est virtus, quae non sibi constat ubique.
 Si vera, & perfecta est: fit generalis, oportet.

Emicat in templo veneranda modestia Cai:

Emicat inque foro: coram majoribus, hisque,
 Qui prodesse queunt, ejus qui rebus obesse.
 Cajus at aequales inter, sociosque minores:
 Intra septa domus, omni cenfore remoto:
 Non vultu, non incessu, non voce decorum
 Servat: vix ulla sensus hic lege coercet.
 Manca tua est virtus, quam, Cai his finibus arctas.
 Constat ubique sibi, semperque modestia constat.
 Vera omnis virtus, adeoque modestia vera:
 Officium nunquam proprium, nusquamque relinquit.

Naevius in socios effuso fertur amore,

Illos officiis complectitur omnibus: auget
 Donis: ipsorum gaudet de sorte secunda:
 Indolet adversis vicibus: pro parte virili
 Succurrit miseris. At Naevius officia isthaec
 Praestat eis; ad quos animi propensio ducit,
 Blandaque commendat naturae gratia quaedam:
 Quique tibi totos dant se, nutumque sequuntur.
 Qui demum referunt meritas pro munere grates:
 Aut quocunque modo, respondent Naevii amori.
 Naevius ast ab eis, a quibus mens ejus abhorret:
 A quibus nativam sentit se ferre repulsam,
 Quosque repugnantes, quaqua ratione suomet
 Ingenio novit: tanto magis, quos habet hostes;
 Avertit sese: nullo hos dignatur amore:
 Nulloque officio: quin averfatur & odit.
 Truncus amor tuus est Naevi. Sincerus amator
 Sic multos homines amat; ut non eximat ullum.
 Una omnes ratio, & finis (DEUS unus) amandi est:
 Cujus, in unoquoque nitet vitalis imago:
 Hoc si ab amore unum excipias, non diligis ullum.
 Nil credit, prout credere opus; qui dogma vel unum;
 Firmiter haud credit; quamvis reliqua omnia credat.
 Nullum, ut oportet, amat: qui odit non amplius unum.

Non

Non arctatur amor : virtus amplissima quaeque est.

His impressa notis , qualem deduximus usque ,
Exsuperat, fateor , naturae totius usum :

Est germana tamen , non commentitia virtus.

Prodigiosae hujus probitatis Homoque DEUSque

Orbi, terque quaterque augusta exempla, reliquit.

Id genus , innumeros vexit super aethera Divos ,

Et vehit usque hodie, caelo contermina virtus.

Huc levat infirmas (quo nunquam assurgere possent,

Omnibus auxiliis naturae) gratia, mentes ,

Vimque parem , robur par sufficit, atque vigorem :

Gratia, supremi donum immortale Satoris

Terrarum & caeli ; quo non pretiosius ullum ,

Gratia ; proh quanto nobis quaesita labore ?

Impensis quantis , quanto sudore parata !

Caede Redemptoris , dirisque doloribus empta !

Haec animos hominum collustrat luce superna ,

Cordaque succendit flamma caelestis amoris.

Ut videant , quantum distent aeterna caducis.

Quantum opibus mundi virtus pulcherrima, praestet.

Ut penetrent alto sensu, stupeantque videntes ;

Quanto intervallo post se bona fluxa relinquat

Infinita DEI bonitas : & amore liquecant

Illius ; immensum quantum qui dignus amari , est.

Salve Divini ter amabilis aura susurri :

Ros caelestis ave spirantis dulce favoni :

Lux animi melior ; suavissima gratia salve.

Te fulgente cadunt tenebrae ; depellitur error :

Gaudia fluxarum rerum ceu somnia vana

Diffugiunt , & restincto, male qui arserat , igne ;

Numinis unius, corda inflammantur amore.

Te spirante, vigor caeli mirabilis afflat ,

Quo vegetae mentes audent ingentia facta ,

Virtutumque, orbi, monumenta stupenda relinquunt.

Te pugnante ruunt moles, quas objicit orcus :

Rumpuntur laquei, quos tendit perfidus orbis ,

Quaeque animas perdit ; perit insidiosa voluptas.

Te relevante, animi superas tolluntur ad arces ,

Inque

Inque ipsam penetrant Divini Numinis aulam.
 Supplementa, tua demum virtute parantur
 Et pretii & meriti; per quae possessio aditur
 Numinis aeterni, quod solum corda beare,
 Æternumque potest felices reddere mentes.

O DEUS! o Bonitas! merces virtutis & Author!
 Te modo complectar minime moror; omnia perdam!
 Omnibus amissis, te si possedero solum;
 Infelix nequeo; nequeo non esse beatus!
 Omnibus obtentis, Te non amplexus amore;
 Nemo potest felix: nemo valet esse beatus.
 O utinam immensae Bonitatis amore liquecat,
 Hocque salutari nostrum cor conflagret igne!


	Menda		Corrige
Pagina 9.	Ÿ. 18. Atquae	-	Atque
	24. Ÿ. 22. contendat	- -	contendas
	46. Ÿ. 6. Ad manifestandis		Ad manifestandas
	42. Ÿ. 21. nitente	-	nitente

EPICRAMMA.

CHRISTUS, Suffixus Cruci, ad Hominem.

SISTE, & inauditi, mortales inter, amoris,
Hic monumenta, meo sanguine, scripta lege.
Quancumque tui, tibi captus amore videris;
Mi tamen immensum; quam tibi, carior es!
Si dubitas: oculos, animumque advertito paulum:
Fusus, & hanc, de qua pendeo, cerne trabem!
O homo care! meâ, non hic ego pendeo, causâ:
Pendeo! ut aeternum vivere tute queas!
Hoc, ego te scripsi haerodem, fluitante cruore!
Hoc, tibi pectus hiat vulnere, corque meum!
Tanta tui studio passusque, egique! quis alter;
Haec tulit, haec egit; captus amore Sui?
Caelorum, terraeque stetit mihi machina, verbo:
En quibus impensis, vita, salusque tua!
Homo ad CHRISTUM.
Hunc ego Te CHRISTE aspicio! Tune ille Parentis
Filius aeterni; de DEO, & ipse DEUS?
Qui studio, nostrae, corpus mortale, salutis
Induis, & Patri victima grata cadis?
O Amor! o diris consumpte doloribus Agne!
Siccine, ne pereat perditus; Iple peris?
Siccine morte tuâ: tua sic per vulnera servas;
Aeternae mortis suppliciique reum?
Nec servasse sat est: me? qui Te caede peremi:
Siderei regni sorte beare studes?
Quem, nece tam dira, mihi testificaris, amorem:
Esse DEUM verum, Te satis ille probat.
Hoc, fateor, plus est; quam Mundum condere: possis
Condere majorem, numquid amare magis?
In meritis, & morte tuâ: mea spes sita tota:
Tam grandi pretio, stat mihi certa salus.
A. M. D O. M. G.





Biblioteka Jagiellońska



stdr0007311

